

道光肇慶府志

肇慶府志卷十九

人物二 國朝

蘇春秀

蘇璋王
梁必壽

劉應舉

梁鳳來

梁文永

梁而珊

蔡廷標

藍文彩

伍學經

龔驂文

蘇天木

吳式郡

何偉

何彬

彭輅

唐汝風

羅德光

莫元伯

余得高

高承耀

何元

胡敬業

俱高要

江子勉

龔應霖

龔朝瑛

龔朝偉

李有光

龍友鸞

林介

李呈采

吳衍泗

吳隆元

黃大耀

李凌雲

梁方

陳自強

李能發

高超倫

李鉅勳

盧男侶

徐文駒

李翰學

吳一鳴俱四會

顧仲敬

蘇應夢

甘如薰

李苑芝

潘嘉穗

梁芳莪

甘清芬

李震時

劉沛劉良標

顧天顯

簡應世吳德祖 陳後儒 張察 顧兆熊

李震華

馮益昌

甘怡

潘世德

黎芳

陳羽

葉世瞻

顧嚴

梁量梁達

陳子檜

李華鍾

陳子杏

劉德欽子星漢

陳熺子從嘉 俱新興

劉裔炫

楊吳

謝梓

曾嗣宗

梁燿

李素

汪元藻

劉啟銘 子宗泮

譚文耀

黃守琨

劉大鏡

楊公俊

張鑑

劉家坡

敖臨

林聞譽

李惟揚

劉啟鋌

李潤林

劉啟鎬

劉啟鈺

謝仲坑

陳覺

謝棧

劉家壩

梁作文

謝惠成

麥夢連

王定祿

劉宗瀛

譚元揚

劉宗燧

柯亭卓

范丕和

吳尙澄

蔡光斗

蔡光朝
俱陽春

陳奇

蘇雲鵬

王志賓

陳偉

陳本

梁豪

陳世傑

陳都

麥蛟

胡朝楨

譚可則

方世型

沙德瑗

莫尙智

孫然斐

莫愈光

陳志勇

區啓科

莫藩

馮阿孟

江中業

吳延穎

曾健

何朝澤

袁阿狗

彭朝勝

俱陽江

何三復

梁之棟

楊有聲

何可及

區簡臣

李其蕃

黃鯤翔

譚良泰

區嘉元

梁晨棟

何應琛

譚振國

謝文禧

區俊

譚錫蕃

楊元復

譚偉魁

楊進修

楊廸修

楊敬修

區準高

陸韜

謝鍾興

區植仁

莫國華

區楊彤

羅天恂

莫世忠

莫世紹

謝大振

楊芳世

嚴思溫

區準亮

關繼書

劉斯組

曾雲程

程達

譚韶音

崔有珍

程璋

區焜猷

譚起韜

俱高明

吳時範

鄭獻圖

鄭軾

莫象年

梁達才

馮奎顯

黃奮光

吳松

梁應輔

子紹謨
俱恩平

肇慶府志卷十九

人物

三

李公色

李坤培

李楠

曾啟賢

周梅齡

俱廣寧

甄爾圭

張朝鼎

司徒義

張國祚

甄芑

張鉅璘

伍頌之

何成波

張明

許綬

謝耀正

張柳

譚元颺

張天祐

吳之元

關元趾

張綸寬

俱開平

余其裔

馮顯上

馮天鍾

易訓

易宏

劉一麟

張懷箕

黃有鳳

馮以錫

呂飛熊

胡作賓

劉士課

呂文凝

葉恩宜

吳奇俊

吳槐炳

古大鯤

呂瀾

麥應揚

何汝材俱鶴山

孔貞時

溫可校

徐士宗

黃煥文

何曰佩

徐中運

李昂

岑現佩

溫頤

李經邦

謝宁掄

馮紹光

莫殿詔

溫承恭李雲鸞

梁曾齡俱德慶

溫潤子如壩

蒙昌奕

岑尙彪子超岐

朱石蓮聶秀玠

朱明

溫毅

葉會時子勗封

溫芳顏

蒙澄俱封川

陳一貞

陳國儒

黃河源

侯文邦俱開建

國朝

蘇春秀字孟實高要人順治初於里中發地得窖金二千兩
內有南海黃盛爵等六人遺記訪其人還之主者酬以半不
受康熙三十四年大饑設賑於廣利墟五日年八十餘舉鄉
飲正賓子五人長成俊成進士人以爲厚德之報族孫璋王
歲貢任靈山訓導歷任十載士安其教及請老爲立去思碑
於城東乾隆乙丑癸酉兩次鄉飲正賓卒年九十有六梁必
壽者亦於康熙三十四年出粟賑鄉里嘗至四會有陳氏婢
遺金於道必壽拾還之

縣志

劉應舉高要人母梁氏久病應舉割股療之而愈知縣姜宏
焯扁其門曰奇孝回天雍正四年事

梁鳳來字兆周高要人康熙二十九年副貢品誼端方嘗在

學使陳惠華幕佐閱試卷近侍有所請託私奉三百金拒不
納同事鄒應楠者謂不宜傷小人意卒不應讀書龜頂山道
觀郡邑士多從其遊就澗曲構洗硯亭鐫記於石後官增城
教諭卒於家從孫文永爲浙江平湖丞以薦遷蘭谿知縣乾
隆間有禁書之令縣民諸葛字旬者持其宗譜首縣譜內有
明季詩詞指爲逆黨欲羅織起大獄上官促集犯文永不可
自謁書局主者徵其板毀之事旣已不拘一人後以公事鐫
級百姓請醵金爲捐復一日間集者千餘人文永謝弗許歸
十年卒

俱同上

梁而珊字紫佩高要人拔貢生舌耕養親雖遠必歸定省母
疾篤以不見幼媳爲憾卽拮据與弟完婚父妾譚氏無子父
歿事之數十年如父存日家雖貧無故餽餉一介不受學徒

窮乏者恆量力資給之雍正五年舉優行乾隆元年舉孝廉方正著有南溪制藝各體詩

吳志

蔡廷標高要人督標右營把總雍正十三年隨征黔省古州逆苗連破高婆高表邑同清江八妹九董各寨追奔斬馘奮不顧身值病大帥王濤令少休廷標曰等死耳裹馬革不愈於斃牀第乎疾馳入敵中賊攢矛刺之鉛子交飛如雨洞其胯廷標瞋目奮呼賊辟易斬一人乃還病益甚遂卒同官有藍文彩者亦高要人驍勇與廷標埒並以積勞病歿功上均蒙 恩蔭一子入監

縣志

伍學經高要人仗義好施每遇歲歉捐穀賑濟并出穀平糶以贍鄉族乾隆二十四年春夏疫癘施棺六十餘具府道知縣聯銜旌獎扁曰好義可風

龔驂文字熙上號簡菴高要人乾隆壬午舉於鄉明年成進士改庶吉士授檢討以大考罷官旣而迎

駕山東授主事補刑部轉禮部擢監察御史戊申巡幸天津舉行召試驂文請令大臣子弟不得與寒士競進復言軍機章京子弟請一並扣除俱奉旨俞允已酉擢光祿少卿奏謝時

上詢及前摺溫諭加獎之令有事直奏勿畏旋擢通政司參議順天府府丞有校士之責驂文評隲皆允嘉慶丙辰與千叟宴累遷通政司副使光祿卿宗人府丞辛酉致仕歸課士於端江義學有函白金乞關說公事者峻拒之驂文時固貧甚也平居自奉終身如儒生年七十三卒

阮通志

蘇天木字戴一高要人乾隆三十三年歲貢生少與吳式郡

同學於新建劉斯組天木精究宋五子書至老學益苦所居老屋數椽卽臥榻置書几一孫執爨注司馬溫公潛虛病甚猶伏枕點勘年八十三卒著有潛虛述義四卷家訓一卷式郡字觀川諸生著讀易管窺上下編

縣志

何偉字光度高要人七歲始能步及長篤於內行父母寢膳終身未嘗委婢僕人稱爲家庭真子弟舉乾隆三十三年鄉試居母喪積毀成疾淹頓幾殆父嘆曰兒何以處我偉懼始藉苫以板臥起靈榻畔三年不易處喪父亦如之補嘉應訓導師範端潔士知與不知皆愛敬之直生日市人亦比戶焚香鐙爲學官先生壽居五載乞休抵家謁祖祠出一冊置案上皆五載官中所行事纖悉備具拜畢焚之年六十三病卒遺言葬父母側從弟彬字公度少負雋才善爲詩欽州馮敏

昌亟稱之所作輒隨手散佚嘉慶二十二年貢未幾卒輯其遺詩僅二百餘篇

彭輅字敬輿高要人父文萃與同縣陳某善陳有子不肖疾革密以八百金授文萃曰吾子若改行請付之如不悛與爲游蕩費寧贈君也及陳歿文萃屢誨其子不聽嘆曰不可以汚我具出金歸之又嘗於佛山市檳榔數石發視有白金數百兩亟以還主人時文萃方貧甚一兄兩弟皆先歿年七十餘與季弟文德寢食必共絲粟無私輅弱冠以古詩文知名母病肺晝夜侍側倦則以片板倚壁假寐背不帖席者年餘乾隆四十一年拔貢校錄四庫全書館授英德教諭英德俗親死瘞淺土三年必遷葬易棺以訕生女舉其一餘則無論貧富皆溺輅至召諸生爲嚴戒使改之官俸所入悉購書朝

夕點勘無間寒暑其學旁通百家之言所爲詩淡泊嚴雅非古不道知韶州府章銓權英德縣鄧廷相以牘薦並力辭遂引疾去年五十六卒著有就刪草二卷

俱同上

唐汝風字子和高要人父禮邑諸生通五經尤精戴氏之學累薦不售汝風由乾隆乙酉舉人授直隸盧龍知縣盧龍地當孔道疲於供給前令雲南王某廉吏也虧帑項一萬四千有奇汝風悉肩之尤精折獄所至有白面包公之號總督劉墉以卓異薦調武清歲庚戌

高宗皇帝南巡汝風辦水營稱旨賜人參四錢以知州儘先補用被誣落職先是永平千總觀音保以他事繫獄讞成議大辟汝風力爲昭雪得復原官生平至性過人丁內外艱三年啜粥冷極不服棉夾每忌日焚香跪哭故友馮敏昌卒

於羊城汝風時授徒新會聞訃卽爲位哭買舟赴其喪龔駭
文卒貧無以殮汝風首倡義舉使附身附棺悉無憾卒年七
十有七著有桐封堂詩文集各四卷周易探微十卷左傳熏
香二十卷雜作十卷尺牘四卷

采訪
冊

羅德光字梅溪高要人生而穎悟年甫十一隨父嶧館食端
溪山長劉斗田異之其文寢食經史尤嗜好莊騷乾隆庚寅
恩科舉人丁未大挑二等官和平教諭勸課生徒文風丕變
經其獎許卒皆知名嘉慶庚申授四川高縣知縣時教匪騷
擾外應軍需內勤撫字百姓咸賴以安高縣多訟折獄明斷
邑無冤民辛酉川南大饑德光先捐廉施粥繼稟請上官以
縣內常平倉穀賑饑全活者甚歟甲子春卒於官人思慕弗

置云

採訪
冊

莫元伯字台可高要人質慧而醇文行兼飭事父母孝乾隆己亥舉於鄉久之授番禺訓導廣肇相距甚邇迎養父母於學齋入承歡於寢出授學於堂問業者雲集至廨舍不能容除學中積弊數事其不問新進生印金尤得師儒體卒於官邑人哀誄之藏書數千卷著柏香書屋詩鈔六卷

阮通志

余得高高要人由行伍出身任廣西提標千總乾隆五十四年兩廣總督孫士毅征安南得高從征頗著勞績後隨福郡王討湖南苗匪殺賊多名陞補廣西提標中營守備會福郡王卒於行間統兵大臣額勒登保令護喪回京並送部引見賜大緞一疋白銀五十兩着往四川軍營剿賊得高披堅執銳不避艱險嘉慶二年七月十八日於開縣白崖山與教匪接仗馬失前蹄爲賊所害奉 旨世襲雲騎尉祀昭忠

祠同

高承耀字繼賢高要人爲督標中營千總數獲大盜 賞藍

翎尋遷惠州協左營都司嘉慶五年隨軍征川楚白蓮賊以

功 賞花翎擢湖北衛昌營遊擊其年四月與賊戰於興山

縣霧渡河陣沒 詔祀昭忠祠子襲雲騎尉後襲恩騎尉罔

替縣志

何元字叔度高要人歲貢工詩少與兄彬名相埒大庾相國

戴文端公督學粵東以二何目之欽州馮敏昌主端溪講席

益重元嘗評其詩曰雄深雅健渾厚高華兼有昌黎東坡之

勝直摩青蓮少陵之壘胡森撰傳屢爲當道所器而於伊惠州秉

綬秦侍郎瀛結契尤深秦由廣東按察擢浙江布政司祖帳

珠江南海衣冠悉備元以歲試不得與秦卽席賦詩致別有

胸有冰雪文寫出澄江練揚帆我欲行與子不得見之句伊
再遊粵與元遊惠州諸勝月夜泛舟豐湖談深出肺肝因為
書介元於曾方伯燠居藩幕數年詩文外談不他及歲壬午
夏觀察修恕延輯縣志屬稿將成邁疾卒采訪冊元生而穎異
九歲能詩文博覽羣書尤精周易毛詩左傳莊騷胡森傳所為
詩古文詞力追古人於詩尤死生以之每泊一經構一藝谿
刻不自休易簣時猶自易其稿著有五律權輿四卷江上萬
峰樓詩鈔四卷紅蘭江館文集一卷宋訪冊

胡敬業字樂培高要人嘉慶庚申科舉人原籍浙江餘姚縣
父廷芳仕高明三洲巡檢卒於官敬業兄弟三人奉母居郡
城遂籍高要嘉慶戊辰大挑一等以縣令需次山東署理高
苑縣半年丁內艱歸服闋請改教職補雷州府訓導在任十

五年卒敬業性孝友始爲童子師館穀僅足餬口事母必得歡心同胞三人伯仲俱早世寡嫂諸姪撫之終身鄉薦後合二兄所出家累數十人皆仰給敬業敬業自授徒外無他營求由諸生至筮仕授徒二十餘年門下士千餘人多達者及官雷州復主雷陽書院善獎掖後進雷士多宗之著有樂羣堂詩集四卷

同上

江子勉四會人少讀書明大義順治七年庚寅被白毛氍賊所獲挾使賺城子勉佯應之及金雞岡賊藏伏使呼北門子勉大呼守者曰賊仍藏伏固守勿開我寧死不悞衆人由是一城獲免于勉遂被害

縣志

龔應霖四會人康熙丙午舉人嗜學甘貧日與諸弟戲彩娛親教人以橫渠主敬爲本動中準繩初任山西寧鄉縣勸農

恤商賦充民足

吳志

邑舊有虎應霖至虎遁跡

一統志

大清創書院

設義學又置善惡兩簿密識姓名獎善斥惡士民悚然率德

改行內擢刑科給事中轉工科掌印疏請舉人准考中書厯

陳學政叢弊未幾卒於都祀鄉賢

縣志

龔朝瑛應霖長子由廩生捐教諭補龍川饒平陞湖廣鍾祥

縣知縣甫下車卽註釋

聖諭十六條併撰教民俗語刊行使家諭戶曉以實心行實

政十載如一日謳歌不絕後因鞠盜案遲延被劾卒於官胞

弟朝偉南陵知縣亦以慈惠著

李有光字堯文四會人康熙癸酉舉人任陝西咸陽縣知縣

清廉勤慎充乙酉文武兩闈同考官拔取多知名士厯仕鄆

縣興平醴泉政聲卓然教訓子孫以忠孝節義爲務年八十

四卒於家

龍友鸞字作明四會人歲貢生醇良正直淡素自守屏跡公門其居家也孝慈備至視諸姪如己子利濟鄉里恂恂謙謹橫逆之施悉以大度容之與人爲善老而不倦後學多賴哉成年六十五選陵水教諭未任卒於家

林介字景山四會人康熙己酉恩科中式性孝友好義喜施如濬泮池修蠻橋設義學置學塘及捐賑築基凡有益於邑中者悉倡行之後以刑部主事試用署山東司案牘如山旬日了結補授浙江清吏司主事未幾引疾歸

李呈采字延休歲貢生四會人篤學博聞康熙戊辰纂修邑志多其彙輯雅敦風節見義必爲精岐黃遇貧難者輒以藥餌資遺之人感其德年七十八兩子長椿齡邑增生次柏齡

以明經任合浦縣訓導

吳衍泗字少思歲貢四會人廉謹好義以學行聞嘗主講廣寧義學與寧宰文字交最厚時寧多閒田荒山勸衍泗承墾却之外家素封無嗣欲以良田頃餘與泗不受爲立嗣以承其後長子隆元歲貢生任韶州乳源學訓導旋告歸淡於仕進恕以待人不失父風

黃大耀四會人雍正元年拔貢質樸嚴正居家孝友鄉鄰咸爲矜式長子通歲貢生博通經史馳譽士林

李凌雲字次山四會人英姿卓犖王安國提學肇羅補諸生迨巡撫廣東令肄業署齋乾隆辛酉拔貢試禮部授咸安官教習丁卯中順天鄉試戊辰連捷進士選四川廬山縣知縣持已以廉逮下以惠民咸懷之在任八年陞江南江寧府通

判能舉其職薦陞湖北永州知府甫抵任以疾卒於官家無餘貲蓋以清白遺子孫者

梁方字直次四會人乾隆丁卯歲貢任高州府訓導署教授勤於訓士士林懷之咸稱儒宗卒年八十有九

陳自強字健也四會人聰明勤學淹通經史弱冠補博士弟子員爲大宗伯王安國所賞中庚午科舉人居家孝友課授生徒一以經史爲根柢邑人士咸敬慕之

李能發字侶皋四會人少穎悟學博才雄年十七遊庠二十以乾隆癸酉拔貢授澄邁學教諭時進諸生課藝切劘鼓舞採其尤者彙藏之厯調萬州新會陞直隸威縣知縣清慎自厲革除陋規暇輒集諸生課藝一如爲教官時旣而解組旋里時課里中後學所採課文悉授梨棗顏曰簪纓集又以功

令新增排律復精選唐人及本朝館課詩爲試帖箋註刊之家藏書甚富卷皆丹黃方孜孜以著述爲事年五十餘未竟其業而卒

高超倫字挺生四會人年十二遊泮學使以神童目之十五補廩十九以乾隆丙子科舉於鄉家貧無力北上未嘗預會試逮謁選得甘肅大通縣知縣清慎自守寒素依然尋改教職任潮州府潮陽縣教諭旋復解組歸里授徒遠近爭師之談文有神契每鄉試場後同人以闌墨環質爲決得失榜發皆不爽於學無所不窺尤工詩古文詞求者踵接而秉性恬靜穆然意遠見者莫不仰爲醇德君子子逢晉郡增生有父風

李鉅勳字紹元四會人少穎悟年十三以五經補弟子員領

乾隆壬午鄉薦聯捷明通進士性篤孝以八旬祖父母六旬父母奉養無人故無心進取日備甘旨以娛暮年旋重丁內外艱年三十六卒平生不矜情不傲物厚重簡默孝友藹如子二長家馨聰警不減其父年二十一舉于鄉早卒家桂道光辛巳副榜

盧男侶字肖許四會人總角知書素有大志弱冠遊庠乾隆甲午亞元居鄉恂恂惟謹以嚴正訓子弟有含英草堂集四書精言藏于家

徐文駒字驥成四會人年十七補諸生勵志苦學乾隆庚子舉於鄉五策俱進呈是科榜首爲張錦芳嘗贈句云鬢眉不愧奇男子裘馬真如俠少年屢試南宮不第下帳授徒宏獎後進一時生徒雲集多知名士掇巍科者

李翰學字宗健四會人質素羸弱於學苦讀至嘔血不止補諸生文聲藉甚負笈者雲集循循善誘賞識英俊凡生徒貧窶者多推解周卹委曲玉成之生平孝友家庭忠信鄉黨人無閒言乾隆壬子舉於鄉嘉慶辛酉大挑二等任澄邁學教諭新進生印金聽其自至或並却之裁絕一切陋規其署瓊州府學亦然年六十三卒於官署

吳一鳴字廷謬四會人少工詩文刑部郎中金公三吾令四會時拔冠童子軍旋游泮歲科試輒高等曹仁虎督學粵東按試肇郡極稱賞之嘗論詩自漢魏以來源流剖析至杜工部全集則默識誦說一字不遺然數奇累薦弗售年五十遂絕意進取閉戶授徒以書史吟咏自樂

俱同上

顧仲敬新興諸生順治四年危城堅守上臺嘉獎劄授叅將

其家康熙丙子闈卷己中式後以爭元棄得而復失淡如也
知縣侯度憲延主講幄者七載掌書院垂三十年一時名宿
多出其門生平著作甚富貧不能梓有四書口義一書士林
貴之晚年仕於澄海力崇學校卒年八十四

馮益昌新興人授修職郎少聰穎讀書過目不忘髫齡失恃
哀慟逾常奉嚴親以孝聞生平器宇軒昂議論侃諤果敢尙
意氣著平寇志三篇述剿賊安民梗概算無遺策爲當事所
倚重他如平糶賑濟設汛安營新恩春東諸邑至今賴以安
謐子果豪爽有父風

甘怡清芬子邑諸生援例入國學考授州同性孝友康熙乙
卯吳逆煽亂邑騷擾怡扶父母匿於陰山村又徙良洞山凡
六十餘日深箐毒瘴晝伏夜出覓食奉親盜感其孝不忍犯

父年衰冒山嵐氣病篤怡呼天請以身代父卽愈亂定歸里
父母歿積毀骨立廬墓終喪兄憫卒於京跋涉扶輓歸葬撫
其遺孤逾於所生丁丑癸巳歲大饑捐粟賑濟全活甚衆又
嘗捐金修義學及大奎閣出穀助社倉雍正四年奉 詔舉
孝子 恩賜建坊乾隆六年祀忠義孝弟祠

潘世德新興人歲貢生器宇凝重淹貫羣籍教授生徒敦倫
飭紀孝親信友遇宗族鄉黨有不足者樂施不倦數奇不偶
九戰棘闈以明經老著有古處堂詩文各一集康熙五十九
年督學陳均榜其門曰爲善最樂雍正四年舉報孝子以身
故罷

黎芳新興增生入監肄業考授州司馬稟性醇慤讀書手不
釋卷少失怙事母孝服勞奉養能竭其力康熙十四年馬雄

亂芳負母避深山得無恙後居母喪泣血三年未嘗見齒雍正三年舉孝子未報而卒

陳羽新興人邑廩生存心正直讀書自愛事親孝治家嚴縣尹改修古筠書院及建峽山奎閣皆羽倡率贊襄與族弟璉全修廬溪作族譜皆足信今傳後

葉世瞻新興諸生舌耕奉親一經餬口邑大水負父走免履險而安居塾遇鮮新雖百里外遣人馳進然後入口祖業聽兩弟分析生事葬祭一身肩任其師贈以聯曰天 and 自抱滋椿樹花氣常團煦夢樓可以得其概矣舉優行家貧親老辭不赴

顧巖邑庠生字宜瞻以孝聞父庠生琨琬病心痛沉疴數載醫不效告之曰人血和藥始可治巖刺股滴血合藥以奉父

病遂愈

梁量新興人與子達俱邑庠生皆勇於義雍正元年賊首張亞長糾眾刦掠到水村人咸震駭量達率鄉勇弟姪百餘人奮力攻殺賊被創逃鄉藉以全安

俱同上

陳子檉字孔培新興人由乾隆戊辰進士授浙江富陽縣知縣丁艱服闋補河南尉氏縣分賑睢陽凡窮鄉僻壤無不親歷計口授食升合必周青天父母之名遍道路調鄢陵修學校平糶役繕城隍百廢具舉河南四科鄉試分校號得人秩滿遷四川崇慶州知州

續志時

朝廷用兵金川檄調赴大營兼

管小牛廠空卡兩處糧臺遇警請備啟上嚴檄詰責謂子檉怯落職六月初六日之役卒以降蠻內應溫將軍授命文員死者二十六人子檉以去位免先是小牛廠失火延燒臺內

松樹時屯臺火藥四五千困不及火者丈餘衆駭視無人色

子檜迫向火叩頭乞焚檜以謝天譴俄反風火滅咸以爲忠

誠之感云征西紀略致仕二十年卒年八十七著有詩經禮記唐

詩各注若干卷庭聞錄一卷征西紀略一卷采訪冊

李華鍾字三峰新興人少穎悟能文章乾隆辛未聯捷進士

授山東臨邑知縣丁內艱歸起服補清泰縣清釐積弊平反

冤獄境內肅然俸滿內授大理寺評事一月補貴州丹江通

判歲饑上官借糴並行州縣虛應故事華鍾獨出粟三十餘

萬活民無算陞山東泰安府知府單車抵任秋毫不擾乾隆

四十七年御史錢灃奏山東巡撫國泰有泰安府屬東平

州知州李瑛因公虧帑飭令華鍾分墊不足遂籍其家除土

屋數間圖書數函外無餘物五十五年恭遇

純皇帝萬壽華鍾赴都稱祝 賞還原銜降一級遂歸

續志有

故屬吏來謁見華鍾坐土屋中門外草荒寒徑跪而哭華鍾曰當局者不悲而旁觀戚耶掖起之笑談竟日在泰安時遣一吏從友人取白金二百錢吏悉乾沒還報曰小人有母病垂死將金市人參矣華鍾曰孝子可勿償也其居心忠厚類如此卒年七十有八

采訪冊

陳子杏字孔設一字毓峰新興人乾隆辛酉拔貢甲戌舉人連捷明通進士授石城教諭丁艱起服補饒平饒俗生女多不舉子杏作溺女文刊示其風遂息主講三饒書院十一年饒士爲繪雙溪講藝圖紀以詩因名詩藁曰愛饒錄陞廣州教授饒士設位於文昌側生祀之部促作令不赴爲教官二十年以著述自娛所著書多中丞王安國鑒定未梓而卒

續志

劉德欽字樹堂新興人由舉人授四川江油縣知縣興利除弊政聲赫然以父母在乞歸養家居二十年親色笑如童穉於鄉黨恂恂未嘗存富貴氣先是有同縣舉人李效靖卒於京師德欽時同計偕典衣以殮隻身萬里歸其視李氏子孫至今感之新典續志子星潢嘉慶庚午舉人倜儻負才氣能詩縣學官牆爲邑豪右所據縣官復左袒之星潢與同志訴於上官八年始復其舊以大挑二等授乳源學未一年卒著有海

松閣詩鈔

永訪冊

陳燿字文仲一字瑞亭新興人乾隆戊子舉人以縣令需次甘肅攝階州知州歷平羅安定武都等縣敏於訊鞠嘗一日斷二十餘獄皆成信讞兩蒞武都再來日父老出境迎者萬計官聲藉甚時有權要上官司閹某勢甚赫陟黜予奪多出

其手獨傾意熨熨卒不與圖一面司閽者嫌之以熨借補西固州同西固華夷雜處號難治熨在任一年有頌聲復攝階州丁內艱歸服闋以成例仍補西固一年題階州權寧夏水利同知寧夏民賴一水爲生一水分一千八百閘稍不均一方失利稍不急一郡失利分水之檄日數百計熨勤區畫時蓄洩寧夏民謂百餘年永沾水利無過陳君者也熨性剛正宦橐蕭然而操守愈堅嘗有獻白金者三入門不敢發有欲關說者至座則失色不能出口子從嘉以浙江嘉興府經歷陞定海縣知縣居民乘海舶遭風肆行劫掠名曰海熟從嘉至自遭風行劫至被刑問罪繪圖十二懸示曉諭之其風遂寢勤於治事自天明至三鼓始息無間寒暑嘗誦武侯鞠躬盡瘁二句以自勗勵調永嘉未一年以勞瘁邁疾卒於官定

海人嘗生祀之

采訪冊

劉裔炫字嗣昭號綺園陽春人甫成童有聲庠序順治庚子舉孝廉薦內行明大義吳逆陷粵聞其名欲強以職堅拒之困之囹圄弗變也康熙己巳授山東濟陽令廉潔慈愛以弭盜興學爲己任有古循良風性耽林泉效東坡和陶詩以見志未幾謝病歸濟陽人爲繪圖作頌家居絕跡城市課子多成立鄉間有大舉廢不立斷丁丑歲歉傾貲以賑存活甚衆性嗜學淹貫羣書前邑志多出其手著有述古家訓賞奇軒

集行於世

縣志

楊翼字占淳陽春人其先山東武城人洪武間始祖義以軍功起家世襲陽春所千戶翼少有大志好謀略明季四方盜起紳士推爲團練征西山與齋公諸賊戰著有奇績當事上

其能使襲祖職加授都司仍保守鄉里時有僞伯羅成耀統
叛兵圍陽春城幾破吳率家丁死士數百開關迎戰死於城
下賊亦大創遁去城賴以安吳繼妻朱氏矢志撫孤語在烈
女傳時人謂夫烈婦節兩足欽云

謝梓陽春人年十六鄰寇劫輪水梓母蘇被虜梓號泣追十
餘里乞以身代賊感之釋其母而繫梓去鄰邑宰孫廷鐸聞
其孝贖之歸傷重矣數月死

曾嗣宗字子述陽春人諸生有大志順治丁亥土寇圍邑城
衆無措宗毅然曰如倉生何予身詣肇慶請兵適大帥之廣
西復并力馳赴高州主兵者初不信嗣宗曰請械予以往如
虛甘就戮兵至賊潰邑賴以安

梁燿號壇山吏部應材子也穎異嗜學持己謙冲順治甲午

歲貢以二親年老侍疾弗離左右飲食藥餌必親調劑居喪絕粒哀毀苦塊三年未嘗稍易其至性有過人者

李素陽春人有義氣膂力過人充邑練巡護勤勞值小醜掠輪水寨素屬鄰練挺身赴救遇賊竟日獨鬪負數十傷而死輪水人感而誄之

俱同上

汪元藻號巖叟陽春人順治丁酉歲貢性至孝早失怙恃事祖母梁得其歡心撫育幼弟友愛彌篤少而力學試輒冠軍教授生徒者三十年爲人坦白不能隨人曲折廉介自守正直不阿邑人咸敬之

吳志

劉啟銘字湯衡陽春人貢生幼失怙恃事母孝待弟友邑人顏其堂曰式好立鄉塾教鄉里兒貧者給以膏火多所成就接人以禮好施與賑饑卹寒修橋施樁康熙六十年祀鄉賢子

宗泮邑廩生砥礪廉隅保童子應試剔除時弊而資其空乏

僉謂有父風

同上

譚文耀字西崖自新會移居陽春性淳謹口無妄言聞人善則殷然勸勉聞人惡則俛若不聞事母純孝母歿營葬不假工匠至十指血出愛讀書晚耽山水策杖尋幽有詩云堪嘲白首西崖老八十東山屐未休之句孫子芳舉孝廉

縣志

黃守琨字德聲陽春人邑諸生通經史有才略時土寇猖獗里無安堵守琨捐金築石寨與鄉族同居八甲爲陽春邊壤與高郡枕界伏莽易滋守琨周覽形勢請於上官立那黃鵞公二汛至今賴之

劉大鏡字若水號澹菴陽春人歲貢生少有文名嘗曰吾輩讀書當見之實用豈徒效蠹魚生活耶事親孺慕弗衰縣令

楊良爲文表之爲諸生慷慨有志略時土寇蕭猶中流毒邨
落間大鏡率鄉勇捍禦龍灣一寨獨無恙倉皇中民艱於食
推解活之壯歲北上與海內名公遊歸益嗜學前輯邑志多
咨訪焉晚病目至八旬雙眸自開因別號重明

俱同上

楊公俊字不籲號應山歲貢生陽春千戶吳之子也吳以軍
功累遷都督同知卒於難語在本傳吳歿時公俊年甫十齡
辟踊哀毀如成人自是遇家祭必泣事繼母撫弱弟創宗祠
建家塾孝友惇睦出于性生尤負經濟才達時事康熙初軍
興旁午夫役浩繁俊獨倡照稅均攤之議使雜務派歸米斗
夫役派歸烟丁家無偏累民賴以甦康熙辛未歲饑出粟平
糶與同志捐金建尊經閣及飛雲樓著有我聞軒稿年五十
二卒孫祖燾樂善好施如其祖

吳志

張鑑字子慎號借堂陽春人歲貢生好學深思訓導信宜設
皋比於官舍四載問業者無虛日歸年七十四猶手輯文藝
刪補四書大全評選唐詩丹鉛無倦

劉家坡字峩士號芸齋陽春人弱冠補弟子員以歲貢任瓊
山訓導生平慕邱文莊海忠介之爲人績學淵涵視躬剛正
事父母愉色柔聲兄弟八人終身式好其司訓瓊山精心啟
迪一經講授爲文詞皆有法度至今稱文行者輒曰劉家坡
張鑑云

敖臨字亦簡號敬菴陽春人少勇俠不拘小節時粵東多盜
有梁二伯者踞西水灣肆出剽掠電白營將陳奉檄進剿與
臨謀臨潛身夜入賊營縛之以獻旋至西山誘盜首陳冬瓜
出而殺之時新興甕洞盜首李黑三聚衆數千旁邑騷動臨

率鄉壯士直搗其巢殲之獲洞平以軍功除電白把總旋陞
虎門千總命領左翼鎮標兵千往征番禺市橋海盜臨環海
數十戰生擒渠魁毛猶等四十餘人斬馘無算擢廣海守備
先是海盜陳大樂嘯聚百峰山臨至四面環擊之賊大潰殺
三百餘人臨料敵多中謀定而後發平時撫士卒以恩及摧
鋒陷陣皆以身先之故所向無敵然性恬淡居官三十年歷
任叅副未嘗稍改素風年六十以入 覲卒於途子泰辛酉

選拔

俱同上

林聞譽字體仁號靜山陽春人生而穎異日誦數千言暑齡
通經書左史大旨爲文章一准先正尤長詩賦童試時太守
試以七題日未晡畢就康熙庚子膺鄉薦辛丑掇南宮雍正
癸卯除保定縣令以卓異引 見陞霸州知州攝南北兩岸

河員解組後不名一錢娛情詩酒手註唐人試帖三卷自著

花笑軒詩文集十餘卷排律二卷雜著十餘卷

縣志

李惟揚字修光號松臺陽春人少英毅老成資兼文武春夏讀書秋冬射獵始應武試輒冠軍康熙辛卯領解壬申以武進士第二人及第 欽點侍衛惕勵勤勞早邀

聖祖仁皇帝知遇 天語屢獎閣臣保舉 詔以要地擢用

復奉 旨在滿洲圍場行走隨乞假歸省 賜帛金旋授狼

山遊擊雍正初擢涿州叅將入 覲賜賚有加擢浙閩督標

中軍副將調福建延平城守副將累遷廣東左右翼鎮總兵

賞戴花翎乾隆初 恩廕一子尋改福建澎湖水師副將方

以晚節爲兢兢乃自引退歸里惟揚宣力中外垂三十年八

徙官兩移重鎮身際昇平挽弧射鵬沒金飲羽之技無所用

其巧而三朝

聖眷久而弗衰足以見其爲人子十二人長伯豪武進士次伯傑從二品廕生次伯桓伯康俱武舉餘諸子暨孫多庠士惟楊晚年工吟咏著有松臺集

劉啟鋌字肇兼號和軒家坡仲子歲貢生天資高邁博覽羣書工吟咏爲文力追唐宋弱冠樹幟膠庠以經義見賞於督學王安國首拔之啟鋌持身謙謹喜愠不形一坐立間身容必肅好獎引善類排難解紛壬申隨父宦瓊州遭大故哀毀幾隕戊寅邑饑倡議捐穀以賑又先自裹飯爲糗給餓者於途存活甚衆邑令姜山以仁里可風旌其門性恬靜寡營杜門教子弟弗輟輯有經義博說詩文詞賦選等書年七十三李潤林字悅生號陶岡陽春人未冠遊於庠錚錚有聲性耿

介爲諸生三十餘年未嘗私謁長吏課生徒以孝友廉謹爲
典型晚年鍵戶著有四書詩經要領性理錄蘇文箋藏於家
康熙壬午歲薦督學臧大受稱爲嶺表文豪名未達部而終
士林惋之

劉啟鎰字荆衡號玉峰陽春人由太學生考授州同康熙四
十一年邑潦橋圯啟鎰捐貲修建雍正四年穀貴捐三百石
以賑建義塾於鄉來學者貧寒廩之赴試贐之恤佃免租憫
貧施櫬悉行以終身鄉賢啟銘其兄也時有二難之目子宗
湘由舉人官刑部員外郎孫世槐貢生皆慷慨樂施克承先
志

劉啟鈺字肇調州同家壩第五子也年十五以六經補弟子
員居常事親不離左右躬自服勤絕不假手僕御遭親喪雖

既虞哀至輒慟遇親之所嗜必悲哽不能食時稱劉孝子
謝仲玩字孔六一字耳溪輪水人性穎異品學深純學使惠
士奇所得士雍正癸卯鄉試第一丁未明通榜進士初任長
寧教諭陞授湖南平江令甫下車首興學校折獄多所平反
案無畱牘有謝青天之目遷荊州府通判奉檄清釐兩湖大
獄二百餘案隨以歸州盜案堅不會印直聲達於 朝引
見擢常德府同知歷任長沙寶慶永州襄陽宜昌衡州常德
七府知府護理衡永彬桂道駙鹽長寶道所至有政聲居官
三十餘年解組日貧如故令平江時嘗撰句云縱有饋遺都
却去更無情面可求來其廉介可知也著有楚南紀畧山餘
堂詩集耳溪稿行世

陳覺字益潤陽春庠生性至孝居喪悉遵古禮已酉赴鄉試

先試期一日聞其父凶問奔而歸哀毀骨立學博陳世蓮延至帳中且將朝夕慰唁之覺固辭不獲仍衰絰不去身閱五月竟以哀傷卒年三十二無子

謝松字巍夫號蒙溪陽春人邑庠生博覽羣書雅工吟咏建義學歲延師教族中子弟之秀者捐田租三百石爲師生膏火費其他平糶焚券惠及桑梓不可枚舉怡情山水風致翛然年四十三卒著有西園遺集

劉家壩字怡士號雷齋裔煇子國學生考授州同謹厚無妄言好施與而不濫雙潛千總何振先雲南人母老不能迎養壩助以百金振先死家壩贖之而歸其櫬康熙辛丑雍正丙午皆年饑倡義賑濟全活各萬人子八啟鏐歲貢啟鈺舉於鄉

梁作文字有造一字絅菴陽春人乾隆庚午由廩貢生試京兆中副榜考充官學教習繼登癸酉賢書授國子監學正丁丑成進士授河南項城知縣治項四載政尚寬簡訟庭常虛公餘與都人士談藝无矜恤寒畯更建蓮溪書院按月課士設法獎勵之已卯七月飛蝗過境作文齋沐禱於神蝗不爲害辛巳秋河決直注項之澱河澱北邨落盡汨時作文於臥病中蹶然起親率吏民於河南岸星夜築堤水不得溢全活者萬家而作文以勞疾卒卒之日宦橐蕭然項人捐貲賻之祀諸蓮溪書院

謝惠成字思煜號恕菴陽春人宏濟長子宏濟家貧力學事九旬父色養備至惠成少篤志博物弱冠爲名諸生旋食餽學使陳惠華奇其文延校試卷雍正乙卯膺選拔就職監州

旋充正藍旗官學教習既而改就教職以親老便迎養也歷任英德三水教諭署翁源樂昌學博訓士務敦實行多所陶成生平捐修祖祠倡置嘗產里族中婚喪無力者伙以金而自奉特儉歷官十餘年服御常如貧素子祖錫庚辰鄉薦仕浙江太平令次鳴皋諸生

麥夢蓮字錫君陽春人歲貢生父常彩赤貧而喜教子夢蓮幼就傅瑞雲書院數日輒携米給之夢蓮必預市餅以進父歸送里許乃還益攻苦績學邑侯朱公夜過書院聞書聲琅琅達旦知其夢蓮也弱冠補博士弟子員娛親友弟父母若忘其貧者受徒不計修脯首以倫理誨人娓娓無倦恬淡樂易蓬室蕭然子稼軒舉明經

王定祿字士昌陽春人性醇厚濟人利物無德色所居六甲

兵民雜處定祿倡分堡甲而盜靖蕙茅垠稅田四百畝常爲土惡毀溝絕其灌漑定祿竭力出資爲里人營水利田以有秋敬宗睦族鄉里德焉

劉宗臨字聿觀號青嶽陽春人乾隆庚寅鄉薦少穎悟十歲通詩文詞賦號神童年十三受知學使劉星煒有天生英物之譽旣又爲翁方綱督學所器將拔優行旋舉賢書官化州學正家居輯四書精義經學指要以訓後進著青嶽制義藏於家其天分旣優學力亦邃譔述多可稱云

譚元揚字啟瞻號懋齋陽春人讀書一覽成誦髫年通五經工書法試輒冠軍鄉闈七薦不售以歲貢授樂昌訓導講學談經士咸折服居常孝友狷介家貧而不苟取嘗拾遺金於道遣人伺其主歸之遺金者以半報堅謝弗受有訴子于官

者婉爲排解諭以孝慈父子感泣去子敬昭戶部主事

劉宗濬字翰圃陽春人貌魁梧以品學爲士林推重鄉薦後課徒三十年從之遊者靡不稱其和粹家素貧事八旬父母友同懷弟四人雞豚邊豆間霽霽怡怡儼若素封乙卯挑授知縣改就教歷任合浦欽州揭揚諸學所至執經請業無虛日以身爲教薰陶之益爲多年七十九卒於官

范丕和字醇士一字厚菴陽春人性孝友恆以善勸人嗜學不倦耄耄猶手不釋卷常修家譜建祠宇著有詩經彙錄六卷通鑑綱目輯要九卷課讀逾三十年安貧知命屢空晏如遇族黨有事喻以情理咸心折焉由庠生辛酉 欽賜副榜甲子加賜舉人

吳尙澄字如登陽春人貢生性慷慨明大義尤周卹寒士歲

值賓興凡赴舉者過其廬必贐之工于詩學嶺南三大家而得其趣著有松園遺草子貢生昌儼好義急公有父風

俱同上

蔡光斗陽春人家苦貧以坂貢遊太學與欽州馮敏昌爲同年生時相過言論恂恂偶一同年子失禮於其親光斗盛怒鬚髯盡張立子大杖泣謝乃止其從兄光朝字德徽厚重少文言行不欺質魯而勤年三十始補諸生家貧教授以養而嚴于訓士其所諄復皆先躬行而後文藝賴以成名者甚衆竭修脯所積建祠堂數十楹

馮敏昌蔡光朝墓志

其卒也馮敏昌爲志

其墓

承訪冊

柯亭卓字子石號介巖陽春人父日德字覲九諸生天性孝友庭訓有方亭卓兄弟三人兄名卓食餼於庠弟英卓甲辰歲貢授仁化訓導亭卓尤多智慧過目成誦淹貫經史兼通

術數年十四入泮甲午副榜領庚子鄉薦甲辰試春闈薦而不售南旋後病足家居教授十餘年從之遊者咸以老斲輪目之

縣志

陳奇字伯平陽江人少孤性孝友弱冠食餼邑庠所輯易經旨四書說教誨諸弟不倦試輒冠軍順治甲午奉母避亂值海寇掠其所著書遂隱居逃禪葺石覺書館爲精藍次年領歲薦方強仕齋志而歿邑人惜之

吳志

蘇雲鵬字上九陽江人順治九年鄉貢性倣儻不事生產酷好圖史每典衣售值年六十二卒著有漪園集

王志賓陽江人明季諸生以膽略稱順治初土匪充斥志賓捐囊築小障於蘇村豐頭賊李積鳳等肆掠鄉民多避居蘇村賊攻蘇村者三志賓屢挫之康熙十四年馬雄入寇金制

府督兵追剿至太平餉未至志賓繳米三百石助之制府面
詢方略悉中機宜平南王賞充貢生十七年高涼叛志賓從
軍與謀畫凱旋仍家居晚年凡邑中有興作皆任之今北門
石梁及金雞閣卽其所倡建也

俱同上

陳偉字如人陽江人家貧事母盡孝偕弟策折節讀書輯古
今紀略二十五卷順治丁酉舉于鄉宰南皮育士愛民卓有
政績

縣志

陳本字仲諺陽江人讀書砥行纂輯甚富所撰宗儒世紀五
卷尤稱雅馴邑令范士瑾延課義塾其績修邑乘叅訂之力
居多惜以歲薦終未竟其用兄奇弟要並有著述爲邑名士
梁豪陽江人年十五母病篤侍湯藥惟謹值蕭賊破雷岡寨
將掠之感其孝遂舍去從弟元孤而貧婚娶教養豪獨任無

客色且建宗祠設義田友睦克敦歲饑爲粥以食鄉之饑者
存活甚衆子宸亮善績父志鄉里公舉聞於部給優行可風
匾旌之

陳世傑陽江人幼時父母爲寇所掠奮力救之得無恙地有
佛子爲高雷四郡孔道傑創建一菴名曰慈雲置田贍僧以
供往來憩息行者便之

陳都東陽江諸生敬宗睦族尤善施與康熙壬辰癸巳疫癘
頻仍貧不能殮者泣叩其門無虛日東俱賑給計施棺八百
餘口另助葬金百有奇其好義如此

麥蛟陽江人幼失怙值兵燹播遷負母而逃竭盡孝養夜則
偕弟星月讀書迨展界始回江邑年三十補諸生孝友之行

終始如一

俱同上

胡朝楨陽江人孝行純篤父歿茹素三年及葬廬於墓側晨昏守視值隆冬寒甚母憐而阻之楨陽奉母命夜輒潛往誠家人勿使母知後母歿茹素守墓亦如之年七十終易簀之際囑其子曰是必葬我親墓側者

阮通志

譚可則字憲本陽江人生而穎異未嘗從師年二十八以文就正於林聞譽聞譽奇之勸令應鄉試苦無資林代爲籌畫是歲乾隆甲子也一試卽舉於鄉計偕歸絕意進取積三十年始選甘肅成縣知縣可則單車就道不携妻子抵任三年未嘗寄一家書成縣故瘠土可則儉以養廉居官如居家視百姓無異子弟披閱案牘竟日不倦常曰吾費數刻精神免赤子一日株累訟庭閒寂囹圄空虛民呼爲譚菩薩

阮通志當

是時甘肅開納粟賑濟之例謂之甘肅監自藩司首作巨蠹

州縣因緣爲奸互相把持居爲奇貨可則獨一塵不染事敗按贓定罪人皆服可則之先見後以添建新廩呈誤罷歸成民餞之自郭至郊四五十里老幼扳輿叩頭泣涕抵家啟篋只敝衣數襲而已可則未仕時惟以杜門教讀餬口解組後復理舊業出其門者多端士鄉人之悍黠者聞可則片言無不帖然年七十二以壽終

縣志

方世型字羽儀陽江人乾隆己亥舉于鄉嘉慶庚申以平匪功加六品銜自幼穎異好讀書性純孝庚子北上適父捐館訃至匍匐奔喪哀感路人自是絕意公車專志事母色養備至母年將八十世型年五十孺慕弗衰母顧而樂之奉先時祭必誠忌日必戚終身如一日家素封恬淡自如擁書數千卷手不停披學問務求經世不瑣瑣於詞章尤得力於主敬

居恆無戲言色朋儕聚處悉以道義相劇切負邑中雅望者
二十年爲宰官所敬服關邑之利病輒凱切條陳不肯膜置
有大事肩任弗辭如建學宮平會匪賑饑救困興廢繼絕靡
不隨力樂行不倦見俗尙侈靡邀同志立崇儉約以挽頽風
母喪哀痛欲絕朝夕不及湔米親友以禮慰止而至性不移
未百日竟以哀毀卒年五十一欽州馮敏昌郵寄哀聯云純
孝本誠身哀毀况伸殉母志鴻恩褒靖亂鄉邦長荷保城功
邑孝廉區啟科狀其行有謂識足以察微才足以負重正足
以率物敏足以有功皆綜核之語

沙德瑗陽江人監生天性孝友早失怙恃有祖父母在堂德
瑗問寢視膳數十年如一日祖父有心痛疾醫治罔效德瑗
虔心齋戒焚香祝天以祈神祐一日有僧賣藥過其門德瑗

告以祖疾僧出藥丸曰服之立止若得人血調之根可斷德
瑗私割股取血和藥進疾遂愈德瑗有從堂叔道愼道勞貧
而無子德瑗迎養于家又爲立嗣完其婚娶沙氏自前明遷
居陽江十五傳而至德瑗未有祠宇出金倡建重修學官方
世型等董其事德瑗傾囊協力以襄成之

莫尙智陽江人少孤貧母黃氏饘粥不給尙智遂廢學治生
資以奉母兄尙明爲村蒙師性嗜酒館穀不足償酒債舉家
藉給尙智嫂林氏姪維燦死皆尙智爲治喪方林氏死時兩
子甫離襁褓提携教養冠昏之事皆獨任嘗在第八墟得遺
金尋還之一時稱長者

孫然斐陽江人母余氏早世然斐歲時祭祀歔歔涕泣少時
衣服經母所縫綴者至老猶愛惜之事後母王氏稍有拂意

卽長跪柔聲以求歡笑有弟爲後母所逐然斐曲意周全遂爲母子如初性強毅鬚長至膝望之儼然鄉人敬而畏之有爭鬪者見其來則散乾隆二十二年舉鄉飲大賓子東亮爲庠序醇儒

俱同上

莫愈光陽江人陽江協把總乾隆五十三年隨征安南陣亡奉 旨恩卹世襲恩騎尉

阮通志

陳志勇陽江人香山協標千總乾隆五十六年出洋捕盜遇風覆舟溺死奉 旨恩卹廕子把總

同上

區啟科字縣楚陽江人九歲孤事母孝乾隆戊申舉於鄉一赴公車母痼疾終養不出敦友睦樂施子族黨貧不自活者咸依之丙午己酉癸亥歲薦饑捐賑家貲幾費其半庚申邑有會匪賴以除患且謀復保甲勸積貯爲善後事宜壬申修

邑乘科襄贊之力爲多素性廉正非公不見宰令博學通經授徒不倦門下多知名士所著四書緒言爲後學津梁母歿哀毀骨立數月卒

縣志

莫藩字屏伯陽江人例貢生狀貌雄偉長於詩歌弱冠父母俱歿有異母弟三人俱幼二庶母俱少藩接見三弟必拱揖出入必稟命于庶母數十年如一日先是藩父遺值七千金臨終囑三庶子人六百元各養其母娶妻築室聽其自爲藩以勤儉積至四萬金及諸弟長藩爲完婚建廣廈皆教之成名廼取所積均分之同養其母仲弟中年逋負萬金藩泣語叔季兩弟代償三千餘藩自償之藩族千人藩設田以備荒乾隆中年邑頻饑藩每減價賤糶又爲之倡捐米百石賑濟當道給匾額以旌其門藩生平設義塾築陂梁掩骼焚券不

可悉數盡勇於爲義者

馮亞孟陽江人父輝仁母陳氏弟亞二年十二而父歿家貧甚孟日與弟隨母拾田間遺穗煮粥共活孟嘗忍饑以奉母及長爲人傭工得工資必撙節之另市魚肉以進兄弟鰥居茅屋半簷而怡怡色養曾不稍衰母年八十九歿旣葬孟每月數省墓號泣人有問及其母輒嗚咽母歿愛弟愈篤白首無間言蓋天性和順非由矯強而言也

江中業陽江人江氏本居三龍田有伯立者始遷鳳山子五人中業季子所出也伯立年九十爲諸子析爨積數十年子孫林立成一村落矣嘉慶五年中秋日長官宣講

聖祖仁皇帝聖諭廣訓至江州陳氏七百餘口共食之文中業躍起曰吾獨不能爲陳氏乎遂去時伯立諸子多物故惟

三子明珠在於中業爲伯父行中業以收族之謀告其母張氏張令商於明珠明珠欣然議遂定時江氏子孫男婦共一百六十餘人自中業而外僅給饗殮其貧甚者至不能自存明珠率中業踵門徧告之約曰無懈力無奢靡男耕女織如約於是分門別戶之人一旦視如一家矣每食以鼓徵衆長幼以序進惟母肉食餘悉粗礪行之十餘年族中無間言嗚江人嘖嘖道之

吳延頴字凱文陽江人廩生伯明之子天性孝友父卒以一身任喪葬大事絕無與諸弟較量語平生取予不苟邑有紛難多藉以排解早年領歲薦及遭母喪哀痛逾年而歿曾健陽江人邑增生刻苦力學冬不爐夏不扇恬淡簡默及授徒函丈則諄諄不厭其詳手輯四書融註萃義一書屢易

其草勞苦至于嘔血易簣時猶刪改校訂見者無不稱爲博綜該貫異母兄弟五人田產讓肥受瘠所得修脯一門共之健父自強增生子簡觀歲貢生衆謂曾氏有子矣

何朝澤陽江人父何正家素貧朝澤幼則從父肩販度活父任重必懇請分之弱冠後竭力奉養貧極必潔膳饑以進父有病侍奉不稍離或外出販賣以濟饔飧必涕泣告母年四十父故事母洗氏尤謹居恒朝出暮歸必告必面問有爲風雨阻越宿還跪母前道故四時食物母口未嘗者不敢嘗也母意中所欲必致之歷數十載如一日鄉人皆稱孝焉

俱同上

袁阿狗陽江農人子也幼失怙恃以小字行族兄某偕妻憐而撫之某無嗣阿狗長而某亦老矣家無擔石之儲阿狗鬻薪養其兄嫂二十年後某與妻皆亡殯葬事阿狗力辦之時

阿狗年將艾而未有室或勸其娶曰吾年已衰力不自給又增內顧憂不如已會隣邑貧家有鬻子者子甫四歲失其姓以亞已名阿狗買以爲子亞已年十五卽爲傭人見其能假田使佃亞已納租於主而以其餘爲奉養資衣食無缺時或擊鮮沽酒以娛其親又以親老爲購材木寄其鄰以備不虞力不逮稱貸於人而取足焉鄉鄰稱有子之樂者無過於阿狗有孝而能得親者亦莫亞已若也

李法撰傳

彭朝勝陽江人千總署香山協右營守備嘉慶十四年出洋緝捕遇賊力戰落水溺死是年外委雷常振亦陽江人出洋捕盜被賊引火延燒死奉 旨恩卹俱世襲雲騎尉次襲恩

騎尉

阮通志

何三復字載繹高明人少孤貧日食不給勵志博學屢試冠

軍崇正庚午副車由癸未歲貢授貴州新貴縣尹新貴乃古
新筑地軍民雜處三復撫之以恩馭之以法衛所軍伍咸感
激焉黔多苗患連年用兵官俸悉供軍費公服外衣不曳帛
食不重味上官察而重之薦語有子惠廉明宅念原清子然
孤冷之句後忤當事改安龍教授龍士多經商曠業乃申嚴
課格每月三試甄別高下捐俸獎勵以示鼓舞文風丕變署
籠南稅司出納不苟商賈德之掌教五載囊無餘貲遷雲南
景東府判管同知事景故土府距龍千餘里艱於蒞任以年
告老歸離郡之日士民老幼遮道餞送四十餘里歸途不辦
輿馬徒步四日道經泗城泗城大夫聞而迎之且贈歸囊乃
得抵家居鄉布衣蔬食年逾八旬猶荷鋤灌汲不憚勞苦暇
則作草篆或流覽史籍怡然自適焉

吳志

梁之棟字躍龍高明人增生天性純孝曲體親心親之所愛則必愛親之未食不先食親歿喪葬盡禮處兄弟篤於友愛終身無片言相忤淹博古籍以理學爲宗所著有易解圖說年七十四卒

縣志

楊有聲字比雷高明人好學博古爲文雄健有奇氣三中副車以順治五年歲貢授瓊山訓導作養士類當道以宿儒目之贈資赴闈登順治庚子科鄉薦揀選至部以老致仕

舊縣志

何可及字漸遠高明人性孝友潛心舉業不履公門順治辛卯科與邑中楊有聲白一奇文皆入彀以減額被裁順治九年歲貢任從化訓導捐俸修學課文給賞以艱歸里閉戶著書彈琴賦詩而外淡如也卒年八十有一

同上

區簡臣字卜徵高明人性聰穎好學能文弱冠領順治辛卯

鄉薦辛丑成進士任湖廣江華令華凋敝邑也其民每多因
營債典鬻妻子因荒稅離散四方簡臣下車目覩化離卽遣
人歸賣業辦金代完逋賦贖其妻孥華民獲安遇旱求雨必
應民悉歡呼以爲至誠所格因雜務繁難自量不給父孕彪
命曰損人媚人不可爲也遂辭職歸民歌頌之孕彪素以孝
聞簡臣之成立而官聲藉藉者皆庭訓也簡臣歸里後事親
色養備至郡守史庸菴聘輯府志

吳志

李其蕃字異苑翹楚次子少有才名年二十八登賢書江南
舒成知縣政尙慈祥邑舊有糧耗夫役之弊悉行掃除百姓
咸稱慈父康熙初與修縣志

縣志

黃鯤翔字鵬翼高明人家貧力學性恬淡操履端方爲士類
推重順治甲午以府學歲貢任萬州訓導捐俸修學轉長寧

教諭陞廣州教授所至課士有法秩滿遷安肅丞致仕歸里
築村前金城塘一頃五十餘畝以供始祖祭祀備修贄延師
以教族之子弟壽八十有八有燕遊草山東集番山集藏於
家

譚良泰字來祉高明人秉性孝友操行端方順治辛卯鄉薦
出宰石泉泉邑土瘠民貧間稍沃者悉屬戍兵據佔民不堪
命泰甫下車力爲詳請數至被叱泰不爲懼逾月上官始稔
泰軫卹情深檄令悉還故業久困獲甦歷任三載革耗羨絕
煩苛有以訟告理者力勸息之後致仕歸蕭然行橐有古廉
吏風所著有二蓮軒詩集

區嘉元字子起高明人孝友力學士俊題其讀書處曰山天
堂女以季女由拔貢任靈山龍川縣教諭
年間同修邑

志

梁晨棟字啓垣高明人順治十三年歲貢後選授海南文昌訓導陞羅定州學正尙端靜不事干謁捐俸倡率修學宮日與諸生談文賦詩中有不能舉火者以苜蓿潤之卒於任何應琛字念江高明人家貧鬻身葬父拾金還人知縣熊德揚嶺西馮僉憲并旌獎之卒年九十有六

譚振國字代工高明人少慷慨中式癸卯科武舉時有雲南之變嶺西兵備道以振國攝中軍守府督運軍需直抵西潯給守備牌劄時肇慶城祿步大逕土寇竊發請兵防禦部院檄振國領兵回肇與水師會議防勦不數日而殺賊救虜餘黨奔潰復委防駐宋崇大茶官渡等處賊聞遠避有殘黨劫芹水振國立督兵渡河斬賊首復生獲麥岐亞祐等令悉戮

於市時人稱快子鴻儒字笑占十七入武庠越年登康熙乙卯科武舉性好施每逢歲饑出粟賑濟所活者甚衆

謝文禧字昊相高明人幼失怙恃每食必撫棺痛泣康熙乙卯舉於鄉仕四川中江縣縣經兵燹土曠民稀文禧下車招徠荒蕪以墾又造水車以救旱遷雲南賓川州潔已愛民如治中江時卒於任州民建祠祀之

區俊字人伯高明人賦性端嚴博通經史尤深于易登康熙乙卯科經元通籍後益恬靜謹守不入公門邑令聘主義學門徒多以文行顯任萬州學正督課諸生提命肫切咸敬信焉

譚錫蕃字接斯高明人性聰敏弱冠補弟子員康熙二十三年歲貢任昌化訓導訓士有方及告歸淡泊自甘嘗與修邑

志年八十三

楊元復字震元高明人維翰之曾孫也維翰字瀛海博學好古過目成誦未弱冠補弟子員元復英敏倜儻自少有才名試輒冠軍鄉闈未捷與姪進修下帷浣花溪日課經書文五藝康熙丁卯秋闈大書解元二字座右榜發果第一四上春官不第邑令鈕琇嘗延講學明倫堂學者宗之稱長軒先生弟元泰爲諸生以苦學天折家貧遺孤七撫之成立丙戌就銓丹徒未幾卒相國張玉書素異其才贈賻歸葬同榜李象元銘其墓

譚偉魁字國子高明人性沉靜苦志力學補邑弟子員與伯兄甲魁互相砥礪應康熙二十九年歲貢授感恩訓導教授生徒造就有法遊其門者多名士

楊進修字詣將高明人弱冠補弟子員胞兄業將被誣繫獄進修以身代獄中夜讀易查獄異之廉得其枉尋得釋父名言字奏敷孝事孀母常以母節未旌爲恨後進修登康熙己卯鄉薦官涇潭令除浮稅興學校秩滿告歸民爲立祠象鼻山邑人并以其大母守節撫孤事請旌孝思之報如此

楊迪修字念將高明人少食廩餼應康熙辛卯歲薦從父新寧學署中史明府延輯縣志精核大備晚從遊姑蘇沿途題咏甚富著有葦園草前後二集

楊敬修字日將高明人康熙戊戌歲薦德器純粹寡言笑喜讀書讀至小學嘉言善行兩篇慨然曰宋以下尙多可採之說惜朱子不及見也因撫拾遺事彙成一帙題曰小學後書區準高字德園高明人龍門教諭式金子少穎悟博學年十

五補邑諸生與試輒高等督學臧奇其才延校試卷準高以
父遠遊不得奉養爲恨屢求去爲詩呈臧有原上哀鴿化子
規之句臧感而許之自是三楚秦晉鄒魯燕趙足跡幾遍益
其怨慕者深矣準高有器識善議論黜浮華務爲有用之學
齋頭懸白沙小像以嚴師事之著有清溪小集四卷四書格
六卷

陸韜高明人由文生舉武科性慷慨康熙中流賊肆掠韜率
鄉人拒守又于崇步羅塘兩都內輸銀築基有好事輩欲倣
周田築墟故事韜力却之乃止百餘年來彼都耆老猶有能
言其德者

謝鍾興字卓言高明人誠樸不尙鉛華少時頗任情倜儻既
而悔悟潛心理學盡變其氣質隨補諸生列上舍以雍正二

年恩貢任豐順教諭訓士以理學爲先士多感悟時豐順爲新設之邑得理學之教以爲之先一時謂豐之謝不異潮之

韓云

俱同上

區植仁字生府高明人沉潛和厚以監生中雍正己酉鄉試令直隸靈壽縣靈土瘠民貧始下車法陸稼書遺政嚴剔滋擾與民休息遇水患終夜徒步指揮拯救軍興旁午派撥飛車民心惶惑植仁力請捐俸助濟以舒民困在任六載聽斷無私催科不迫勸農課士皆以實心行實政靈人德之

吳志

莫國華字榮長高明人邑庠以子孫貴累贈至中憲大夫貌壯鴻聲嘗隨父兄道經龍虎逕駭其險阻先行探視果被賊虜華大呼曰我被賊執父兄勿來賊持刀擊其背華曰寧死一身毋死一家父兄聞而逃歸謀金往贖是夜在昏迷中恍

惚有人引出遂得免人以爲孝弟所感子四人長英賢舉人出仕山東餘並爲諸生孫世忠翰林世紹舉人曾孫捷舉人官知縣駿舉人一門科甲稱極盛焉

縣志

區楊彤字廷舉高明人敏而好學隨父旅居羊城日與諸名公觀摩砥礪文行兼優登雍正乙卯賢書生平篤於孝友尤善事後母母愛之如已出爲文腹稿渾然天成喜吟咏工草書學者寶若圭璧登科後更畱心經濟臨銓而卒識者惜焉羅天恂字錫仁高明人曠達不羈幼聰悟不煩師訓爲文若夙成尤善詩賦年二十七舉雍正乙卯鄉試乾隆乙丑明通進士選樂昌教諭惟以課士爲職二載丁艱歸肆志山水邑中諸名勝遊覽吟咏殆遍不復仕進遂徜徉以終焉

莫世忠字建輝高明人少負大志爲文雄厚自成一家以雍

正乙卯拔貢是科捷於鄉乾隆丁巳成進士館庶常散館改
外任得甘肅成縣知縣甫下車覩邊疆風氣鄙俚輒思以振
興禮教爲急務適大金川用兵甘肅寧夏涼州等處官兵皆
取道于成世忠料理營盤運送糧草井井有條上官嘉其才
題陞洮州撫番同知時洮州有楊土司管轄番子十萬戶又
有馬僧綱轄番子三千戶楊恃其勢力肆謀吞併僞稱馬係
屬野番乃其祖征服欲據爲已有遂成大獄司議已將馬番
歸楊矣忠披閱案卷備歷情由卒翻前案甫兩載調順天南
路同知尋還部郎畿南吏民稱觴上壽同年于鼎元爲之序
年近八旬致仕歸里著見性詩集有端溪書院課藝行世長
子捷次駿俱登賢書捷任湖北應山縣知縣

莫世紹字惇輝高明人孝廉英賢子也性聰慧通達事變年

二十七由廩生登乾隆丙辰恩科賢書連試禮闈不第歸事父母友兄弟絕跡公門郡邑欽其雅望云

謝大振字公一高明人性尙溫和好讀書從楊元復遊元復奇其文以女妻之補邑弟子員應乾隆丙辰歲薦任始興訓導署教諭教士有方務敦實行課程甚謹丙子王琿等共捷賢書始人德之

楊芳世字馨甫高明人質性穎悟操守嚴介年弱冠爲邑諸生由歲貢教諭長寧日詔諸生諄諄勉以德行文章如課家之子弟手著四書講義作針文集傳於家次子東釐恩貢歷聘主講席四十餘載一時名士多出其門餘諸生皆述其著作以傳於世云

嚴思溫字象吉高明人篤志好學以府學歲貢授會同訓導

清廉自守嘗慕海忠介之風日與士子程藝談經申明白鹿洞五條以故文風丕振解組歸會同人歌頌不置

區準亮字擴元高明人性耿介脫略恬靜不事生產惟勤學好古雖嚴冬盛夏而披吟不輟年弱冠補邑弟子員授徒講學遠邇信從者衆乾隆辛酉拔貢著有日間詩集三卷

關繼書字橋孺高明人苦學不輟爲文雄厚素爲端溪院長劉斯組器重以拔貢舉乾隆丁卯亞元任番禺教諭督課諸生敦本務實文風蔚起兼粵秀監院學政吳鴻閱其文欣賞不釋手以卓異薦調感恩教諭授直隸寧津令甫蒞任而卒於官

曾雲程字萬里高明人穎悟嗜學弱冠補邑弟子員屢試前茅乾隆癸酉選拔遠近之士欣其學行多受業於門晚年娛

情山水飲酒賦詩有西山集藏於家

程達字侯拔高明人鄉賓林士之子也少遲鈍然篤志務學積數年攻苦聰穎頓開遂通經史百家善爲文日數首操筆立就及爲諸生益銳志舉業口不絕吟登丙子科賢書五試禮部不售兩逢大挑不與竟賞志以沒素性和易與物無忤有貧窶者從遊必解囊以贈出其門者多顯達

譚韶音字聲行高明人沉潛篤實樂易和平應乾隆四十七年歲貢嗜讀周程之書潛心探索尤邃於易學手訂有易理精義藏於家

崔有玲字懷長高明人性廉靜品端方沉潛篤學弱冠補弟子員設絳帳講業五十餘載多所造就不事生產修脯之外絕無營求著有稼石堂四書集註及易經講義數十卷四易

其稿手自抄錄自少至老始終不懈應乾隆丙戌歲貢年八十有三

程璋字用賓高明人父萬通字正誼端方正直廉隅自飭邑諸生歷戰棘闈不遇至老猶不釋卷居恒訓子弟嘗謂人但慮無學何患無名璋少聰慧器宇不凡弱冠入泮補邑弟子員肄業端溪博極羣書尤深於易及左國周禮院長徐亟稱之力學四十餘年領戊子鄉薦生平廉正樸直坐立色笑不苟課諸生嚴謹諄切故人常憚其嚴而樂遵其教云

區焜猷字慎徽高明人孝事父母親歿後諱日必齋戒涕泣至老不忘性木訥甘淡薄酷嗜詩賦經史學日博生徒日衆出其門者多所成立前後十四棘闈不售應乾隆庚子恩貢年七十而卒

譚起鵠字愷挺高明人寬洪敏達與人無忤生平所學博聞強記凡經史手自抄讀終身未嘗遺忘尤究心朱子語類或問諸書故爲文根柢理要不蹈時蹊陳惠華校輿時嘗以大家目之設絳帳五十餘載學者仰之自弱冠爲諸生二十一年始膺鄉薦六赴禮闈不得一官數亦奇矣以年老 欽賜大理寺評事卒於家弟起聖耿介端直不事浮華與諸兄篤志苦學試輒冠軍屢戰棘闈不售食餼二十年僅以 恩貢老士論惜之

俱同上

吳時範字明賓恩平人與父毓真伯元真俱邑庠生以禮自治時範幼奉庭訓言動端方取予不苟尤不喜干謁嘗語人曰薛河東云士大夫干謁有司亦是失身我輩宜書此言於座右故生平足跡不至公庭順治初膺歲薦或勸之赴選答

曰賦性鄙拙雖得一官何益竟不往晚年避賊居鄉雖在苻

屢警猶聚徒講學不輟祀鄉賢

吳志

鄭獻圖恩平貢生好讀書有志略邑多寇盜獻圖密訪於鄉民盡得賊中虛實及出沒要隘上勦賊策於當事賊聞惡之甚伺獻圖於家殺之邑人惜焉祀鄉賢

鄭軾字晉藩恩平人性穎悟博聞強記而淡於名利諸生受業者各因材成就順治初兩應鄉試皆以對策用古難解置副車例不准貢康熙二十七年邑令佟世男聘修邑志後仍以歲薦終

俱同上

莫象年字休賢號緯蒼恩平人康熙乙卯舉於鄉宰直隸之平鄉革陋規築河隄請免黃河歲派柳枝以甦民困治平七載以治行報最行取命下丁外艱歸服闋補工部主政監督

兩翟晉員外郎旋擢戶部正郎奏銷陋規一無所受鹽政紙
硃銀盡貯庫大司農遂寧張公鵬翮甚重之辛卯典試黔中
所取皆知名士癸巳遇 覃恩晉通議大夫贈祖父母父母
如其官卽皆歸囊空如也有諷爲子孫計者曰人爲貧而仕
吾爲仕而貧雖無積金幸無積怨昔不受平鄉金今乃歛及
桑梓乎終年六十八其子遷新會家焉先平邑蝗起象年禱
於天蝗緣香案飛不終日而盡平有崇如繼出則大水爲文
以驅之崇不復出其至誠感物如此

縣志

梁達才字文振恩平人性孝友工詩文康熙丁酉舉於鄉雍
正癸卯成進士初令汶川有惠政旋丁父憂服滿補泰安未
及赴調河南之伊陽伊瘠邑也會辦軍需羽書旁午達才單
騎徬徨道途形神俱瘁終不肯以絲毫累民民願助之金弗

納卒以勞憂成疾歿於官方其未仕也邑令何有年誼招之不往旣而以父命往言不及於私時邑田多溢則田下而賦上民日以困乃言於何得請於憲府減舊則以新墾抵其虛邑人至今稱之

馮奎顯字文思恩平人乾隆癸酉中式舉人壬寅謁選山西夏縣知縣在官十年歸里八年而卒夏當秦晉孔道先是一切差務支派俱給諸民衙署供應亦責諸民奎顯至皆官任之民不復擾善聽訟奸宄無所逃久之民樂於善訟獄以息解俸千餘金授質庫權子母永充書院膏火旣謝仕猶哀貲助民修隄隄成乃去去之日空城而送

黃奮光號文齋恩平人乾隆丙午舉於鄉四上春官兩薦而未售丙寅掌教南平多士景仰性淡靜非道義不輕進公庭

人誦其文尤欽其品云

俱同上

吳松字清彥又字鶴村恩平人嘉慶丁卯舉人以縣令需次河南生平循循規矩不敢放言高論手檢宋儒格言名鍼砭錄常置左右爲持身法攝內鄉知縣訪民利病咸興除之時縣事久玩愒案牘山積松剖判如流皆信讞民愛戴稱神君嘗有兇犯脫逃忽自歸就繫詢之犯曰殺人當死若終逃爲賢宰累雖死不忍爲也卸篆後邑人士餞送塞途復權河內縣四越月卒於官百姓巷哭罷市東昌劉大觀時僑河內哭以詩曰滿城皆下淚盡說是清官又 聖朝失循吏吾黨喪真儒非虛語也先是在內鄉手罪一犯卽流恩平犯遍向松鄉人道松功德侯松卒歸櫬犯臨哭如喪慈父母松家赤貧操守甚堅爲書生時已一毫不苟居官慕海忠介陳文恭政

多仿之卒後歸裝不餘一錢著有垂輝草堂詩四卷

永訪冊

梁應輔字君杖恩平人由廩生肄業國子監授連州訓導新進生例以贄來謁有邵生某家貧且有老母應輔却其贄生平先器識後文藝士林宗之居鄉敦本睦族獎引後進族有互訟者以善導之輒解又嘗建宗祠置嘗產設社學膏火皆鄉人所稱頌嘉慶乙卯鄉試欽賜副榜卒年八十三遺命家禮治喪戒作佛事子紹謨字日徹國子監肄業授訓導歷署從化饒平東莞各學管越華書院監院大庾相國戴文端督學時深器之旋改雲南景東經歷轉權縣篆絕苞苴謝私謁勤慎自矢案無畱牘縣有叔姪構訟十餘年不決紹謨片言感愧之立解有李生武斷紹謨按律褫革境內稱治未幾

解組歸

同上

李公色廣寧人食廩於邑因患眼援例捐貢雅嫺吟咏有集

未梓好義樂施每貴糴賤糴以賙鄉里

縣志

李坤培廣寧人雅度溫良見推當道著有愛月樓詩集文章

廉隅均有可嘉

李楠廣寧諸生自號介石公操履樸直與物寬和居恒灑落

惟吟咏自怡卒年八十有四所著有介石公詩集

曾啟賢廣寧人歲貢醇厚謙謹未嘗以盛氣加人其鄉鄰墟

市之門者見曾君輒罷蓋有長者風焉

周梅齡廣寧人先器識而後文藝好讀書忘勢利爲增生兩

試應得廩缺以不肯營鑽卒不得其恬靜如此

俱同上

甄爾圭字懿璜開平人補弟子員居父母喪不茹葷者三年

尤好施戊子癸巳兩饑出穀賑濟存活甚眾宗族戚屬多賴

家道是以中落後避賊麗肩衣食粗給淡如也教授生徒崇

尚理學著書至老不倦疾不服藥賦詩謝世人服其達

阮通志

張朝鼎字光宸號國器開平人少爲名諸生善左氏春秋志

存經世明崇正間時事日非遂絕意進取唯以衛里安民爲

已任時開平地處僻遠盜賊出沒僉議建縣以扼其衝朝鼎

慨然首事屢詣上臺力請功甫集賊勢窮蹙恨朝鼎甚伺其

赴肇陰刺殺之事聞朝廷褒贈太常寺協律郎祀鄉賢

縣志

司徒義開平人由新會把總歷任東莞遊擊崇正十七年賊

首黃信葉垣居等聚黨百餘沿海剽掠名曰旗賊順治三年

至新會城下抄掠義出擊之垣居遁走旣而黃信黃蠻長等

復犯新會時城中遊擊李承鏞撫目張述璽陰與外通招賊

寇李玉林等竄居城內義知之以大義責承鏞承鏞曰事已

就緒爲之奈何義曰述璽易與耳請以計取之是時賊首黃
信等已至城外樹幟都會山上義乃招述璽議事于坐殺之
及其黨八人夜勒兵捕殺李玉林等次日賊大至城上擲述
璽玉林等賊首級示之賊氣消沮義與鄺于康各帥所部兵
出戰斬馘無算義擊黃信墮馬取信首級馳其馬而還賊遂
潰散李承錮逃去其守東莞也值土賊倡亂劫庫殃民而懷
德北柵諸賊首潘思忠鄧棟材等復聚黨數千與土賊相應
義至則察奸宄密偵探嚴巡邏羣賊來攻義出城禦之大挫
其鋒旋以彼衆我寡收兵入守分布四面靜以鎮之銃砲矢
石時斃賊於城下百姓藉義亦勇氣百倍警守者五日夜賊
仍不退義乃憤然曰蠢茲小醜敢犯我乎縋城而下親率士
卒當先而進殺傷無數賊奔北連夜拔營而遁義沉機善斷

有古名將風其馭下甘苦與共而法令嚴明軍士感畏罔不用命所以保新會保東莞名冠一時也

張國祚字子綿號旼菴開平人性磊落嘗語人曰士能文章而乏經濟者腐儒耳順治辛卯由廩生中式副榜例未准貢十一年選拔貢生值土賊猖獗聚鄉勇築村堡賊聞風而避一方獲安任山東陽穀縣縣丞署陽穀縣事政清人和邑人頌其德告歸卒於家

俱同上

甄芑字龍水開平人學術淵茂孝友過人領順治丁酉鄉薦時社賊蹂躪開邑六都盜踞過半民不聊生順治十五年芑挺身赴上官固請討賊明年官兵至芑親冒矢石勦平社賊桑梓獲安值歲饑捐家財賑濟存活者無算與修邑乘予奪一本至公後任化州廣文卒祀鄉賢

郝通志

張鉅璘字述明開平人領崇正壬午鄉薦嘗以倉步僻處深山非立縣不可弭盜毅然請諸當事書十餘上卒建縣治康熙丁未授雲南蒙自令抵任修學校革陋規清獄減徭士民德之以執法忤逆藩意被劾罷歸送者數十里不絕吳志伍愷之字洛侯開平人七歲能文九歲能詩賦博古通今人呼爲神童年十五補南海縣諸生屢試不第人咸惜之年壯而卒有詩賦遺稿縣志

何成波字清漪開平人生時父夢得大鯉魚小名曰鯉及長好學不輟康熙癸酉鄉薦第四人庚辰成進士官吏部主政文以八家爲宗不屑屑拘束行墨談制舉者多從取法以父母年及耄告歸侍養性孝友有所得必與兄共之及卒鄉人銘之曰文高一邑行孚四鄰

張明字雲珙開平人領康熙甲午鄉薦雍正十三年挑發河
工効用勤于職事河督委仗之工竣授山東商河知縣居官
清慎案無畱牘因病解組歸行李蕭然乾隆十年相國陳公
世倌以名薦奉 旨起用因母年九十餘力辭不就卒於家
許授字雁洲開平人以庶出少遭家難年逾三十方娶欲以
慰父人稱其孝好學工詩於榮進顧迂客延入新會詩社
欲舉鄉飲賓不肯就晚遊瓊南詩益精所著有雁洲草堂稿
海上小草十九秋詩子節字亮勇亦工詩父子唱和曰鳴和
集

謝耀正字德櫓開平人工詩善鼓琴少遊京師恒以囊琴自
隨遇佳山水輒登臨嘯咏流連不能去雍正己酉拔貢乾隆
丙辰舉於鄉丁巳中明通榜年三十三卒所爲詩和雅婉雋

近范石湖著有雲莊詩稿

張柳字際全開平人少有奇才日閱數百紙學使王深器之
招之幕中以親老辭歸柳文筆敏速一時序文碑引多出其
手性友于兄弟五人三早世柳撫其子如己子雖家貧如洗
姪之服食婚娶悉身任之晚由歲貢任翁源教諭授諸生一
本孝弟焉

譚元颺字擢臣開平人聰穎好學經史子集之書無不究覽
嘗從學粵秀書院有小安石之稱領乾隆丙子鄉薦司鐸樂
會旋宰阜成治獄謹慎科試之日關節請托悉絕之以差務
繁引疾歸改連平學正未幾去任家居手不釋卷所選詩文
渾灝流轉得自三蘇著有四書講義四卷易經講義三卷
張天祐字榮甲開平人貢生性篤孝父歿終喪未嘗見齒母

勞氏賢而知義天祐年垂半百出入動作鉅細無不稟承乾隆戊戌歲饑天祐以母命出粟數百斛賑貧乏長靜都西有烏水河道通新興恩開之衝波湧流急架木濟人多溺死天祐請於母捐千金築石橋道路盡砌以石皆成康莊

吳之元字照選開平人貢生性孝友父素儉約每御甘旨輒問所值幾何之元恒以半值對弟早卒撫姪如己子分產業肥者予姪瘠者予子乾隆丙戌戊申薦饑之元竭力捐賑多所存活

關元趾字仁趾號厚齋開平人由廩貢官訓導嘉慶七年署永安教諭十五年署新會訓導其署永安也值會匪陳爛屐四等倡亂謀攻城時縣官公出典史病故訓導亦病故無可共議者趾卽捐俸給糧募鄉勇親冒矢石備歷艱辛永安得

以保民思其德請於上官乞上其事制軍吉慶許之未及奏而趾卒竟以訓導終人咸惜之

張倫寬字奕帖號敷五開平人父居中少孤母老不慕進取樂推解以濟人急乾隆丙子斗米六百錢盡出粟以賑存活無算倫寬性溫醇敦名行讀書具遠識以經濟自負弱冠食廩於庠蜚聲學校嘉慶六年授始興縣教諭調崖州學正會崖黎殺人拒捕主者不察遽以反叛上其事道府營員驟至徵兵議勦倫寬以爲不可謂黎性椎魯非有異志彼陷於法皆由不肖兵役激成之進勦則波及無辜莫若遣官親往必得其實反覆陳辨道府難之倫寬毅然請行荀輿入黎中不數日盡得其殺人拒捕者仍令黎首親自縛送道府置諸法上游以此深器之道府交薦方將保題大用遽以憂去服闋

署直隸連州學正英德縣教諭補新會縣教諭其爲學務純
淳崇實所至以此課士習以端年四十九卒于官

俱同上

余其裔鶴山人家赤貧值明季多盜俗人隨之爲不義多得
財者其裔貧困自守鄉人謂子殆矣且從俗免妻子饑寒不
可乎其妻亦曰若所爲必餓死子婦人無足惜子丈夫也奚
坐以待斃其裔曰吾且卜諸神取辦香至村畔稍憩歸告人
曰神不許往往必死於是無敢再勸者鄉人有以財物遺之
其裔知其取之不義不受也竟以窮餓死

宋訪冊

馮顯上鶴山人爲負販商素有胆略雍正戊申三月十七日
顯上買縣花古勞墟歸遇賊劫南門市乃棄所荷物持擔合
衆追賊賊沿途摘錢以啗追者顯上曰吾非要汝錢要汝頭
耳賊懼以鳥鎗殺之衆益奮極力追奔獲賊數人自是賊無

敢犯界者

同上

馮天鍾字我彝號孩若鶴山人領順治庚子鄉薦主司稱其
文高華典則瘴海佳士焚券好施解紛排難鄉里頌之康熙
丙子擢內閣中書以老告歸

縣志

易訓字宣人鶴山人天資卓異性情懇摯少從父遊燕時翰
苑諸公題咏五色鸚鵡訓以少年出語傾動一時燕中士大
夫爭欲識其面後歸嶺南與程可則梁佩蘭等重結南園詩
社性狷介視流俗若浼嘗登厓山哀歌亭大哭人莫之測也
入蒼梧探陽朔之勝得瘴疾卒年二十六有東樵遺集

同上

易宏字秋河鶴山人父開五舉崇正庚午孝廉嘗上書論邊
防諸務名動京師庚辰赴禮闈忽夢父疾亟束裝歸父卒講
學授徒宏與仲兄訓閉戶讀遺書發憤力學訓亦年少知名

獨漉所謂入羣野鶴能驚衆出土新松卽傲秋者也制軍吳
畱村與祚遊海幢寺見壁間詩文有十年王謝半爲僧之句
問之寺僧僧曰此秋河易生亟諭縣令延入幕先是幕客有
王礎臣周萬山者皆江南名士宏至日適元夕遇而吳命賦
粵臺春雨詩且親擊鉢爲節遲者罰三巨觥坐客皆困宏應
聲立就若宿構然吳拊掌喜曰真倚馬才也南海明珠入吾
握矣大呼索酒自賀且以飲宏久之吳遷藩陽偕宏行所過
名山大川仙靈窟宅名賢古蹟以及綺羅佳麗之地一一皆
有詩因之北盡窮邊東逾寧台西出雁塞五岳登者四焉其
後倦遊歸寓法輪寺中謝絕人事以著述自娛自號雲華子
竟卒於寺所著道德經註金丹會集青山外史俱散失惟雲
華子詩集坡亭詩餘尙存

吳應遠
雁山集

吳一麟鶴山人耿介廉潔取與不苟耽於詩書手未嘗釋卷家徒四壁養殯不給晏如也登科十年足不履公庭糧憲蔣公慕其才品以禮下之已而奉使督學中州同往閱卷選拔皆名士康熙辛未登進士歸益勉力操守日與書史相對所居祖屋僅蔽風雨十餘年未嘗易寸椽塊瓦壬申將赴選抱疾卒衣衿棺槨皆出稱貸其操行有如此者

縣志

張懷箕鶴山人秉性正直康熙己酉山賊肆行駐村三日村民困甚懷箕出謀所以甦困者被執賊令以計賺開村門免其一家不則白乃從事箕厲聲曰大丈夫寧身受殺豈肯利己害眾乎賊義之而退眾賴以全

黃有鳳字邦傑鶴山人補從化諸生少儻讀書見大意能急人之難族有冤陷獄中者鳳竭力周旋凡四載卒得脫房

叔元龍以軍功授羅定城守卒於官鳳不憚險阻扶櫬歸葬授經羊城敦尙實行老於場屋絕不介意晚年日坐小石渠課子孫及鄉里之秀者亹亹不倦云

馮以錫字傑士鶴山人力學不倦謹小慎微日之所爲無論善惡皆謹記之事繼母能得歡心處兄弟友愛無相尤時僞周馬保寇縣城遣僞官到鄉勒餉衆皆恐懼以錫挺身出辯事卒得寢族賴以安又嘗設學田以爲後裔膏火之資俱同上

所著有尙志堂言行目錄覽史摘辨讀禮發明錄訪冊

呂飛熊鶴山人少工詩賦有神童之目年十三卽補弟子員十五中乙卯副榜年二十四卒嘗咏海珠寺詩膾炙人口縣志

胡作賓字丹六鶴山人爲三水諸生博極羣書胸有智略時僞將殘破粵西賓隨制府李往征有功題授懷集教授解組

歸里復隨經略熊恢復雲貴肇畫軍務屢建奇謀旋題縣職
需次銓書已而逆藩尙之信慕其才逼入幕府賓絕不爲畫
一策祇以詩詞書法自晦世稱哲士

縣志

劉士課字漢生鶴山人歲貢生康熙二十年任陽春訓導其
學得江門之傳與多士深研性理多所徹證性恬淡不屑名
利三十三年陞福建建陽縣丞時年八十縣令王子駿師之
每旦必講學於其署而後視事甫二年旣得贈其親遂解組
呂文凝字竣朗鶴山人弱冠食廩康熙丙子領賢書壬辰
知河南考城縣事革雜派興學校士民愛之撫軍新任問邑
產牡丹富麗若何公對不知撫軍笑曰知縣花亦不知耶對
曰某知民生利病耳他非所知撫軍銜之會西北用兵飛檄
下取軍需民憂其得罪爭致所有五日而辦撫軍知其得民

轉加敬禮戊戌以政最行取入都甲辰授刑部主事引疾歸
杜門課子卒年七十七

俱同上

葉恩宜鶴山人正月九日鄉中賽神張燈夜遊其夜恩宜空
室往觀獨父從心守門賊匪某率其黨踰垣入從心覺而號
則刼而束之實其口以絮攫物去比家人歸則已氣絕矣當
是時恩宜年十六日夜懷利及伺於賊所出入處一夕大風
雨寒甚賊負所竊物累累冒雨出遇恩宜縛以歸慷慨拔刀
而前曰吾得手及父仇願已畢矣乃割其首剗其心投沸湯
熱之哭而奠諸父蓋距從心歿時僅十餘日耳賊母舅以誣
殺首官恩宜困於囹圄數年不得直某臬司履任閱其牘曰
孝子也其罪可原其志可嘉特予開釋恩宜在獄中每忌日
輒痛哭其至性老而不衰乾隆元年以年八十 恩贈八品

頂帶以終

同上

吳奇俊字宗蕃別號秋巖鶴山人紹裘之子紹裘字樸園好讀書不問家人產命奇俊學賈然好學不倦喜吟咏與鍾鳴大明經胡敬園孝廉麥穗文彭紹炳兩布衣相唱和居恒言笑不苟舉行方正子弟有不肖者不敢見其面婦女出汲見其來卽避去工人譚姓貧鬻女奇俊代爲贖還嘗夜過溪上覺水中有人命善泅者入之有婦將氣絕矣急救得不死曰無以聊生均死也解囊贈之姪廷獻貿易無貲陰署奇俊名假金數百廷獻死某持券來索或曰借日未與聞可無償也券在情真不可負卒償之越數日而某死奇俊曰設不償之彼且賁恨九原矣乾隆辛丑子槐炳官於閩奉父紹裘就養官舍槐炳欲改就教職時有番禺黎姓者客於閩願貸千金

爲謀得缺奇俊曰女熟思之此千金者他日將取之官耶抑

取之民耶槐炳悚然却之可謂能以義方教其子矣

吳氏家乘

吳槐炳字耀垣別字植亭鶴山人年二十爲邑諸生乾隆三十
十五年舉於鄉辛丑大挑一等分發福建試用署龍巖州寧
洋縣倡修雙洋書院以造士寧邑民情强悍多門殺案槐炳
蒞任三載獄空無囚論者謂不事擊斷而民如草偃有古循
吏風焉邑有鐵山其爐頭乃大猾無賴倚爲逋逃藪往往出
貽民害槐炳悉其積弊詳請封禁屢請屢駁知直道不行乃
改就教職歸裝惟黃瘦瓢畫數幅謝古梅黃莘田詩文集壽
山石數十枚而已乙巳選英德縣訓導月課之外令諸生進
所業口講指授諄諄以砥礪廉隅爲訓旋以父憂去官服闋
補新會教諭嘉慶庚午丁母憂時年已七十哀慕過於孺子

癸酉署花縣教諭丁丑三月無疾而逝平生博極羣書尤致力於宋儒語錄所著晚香堂集四卷花峰樵唱一卷晚香堂家訓二卷格言彙錄二卷畱香齋詩談一卷張曲江集訂訛一卷藏於家子應遠乾隆乙卯舉人應圖嘉慶辛酉舉人

陳墓志銘

古大鯤字功鰲鶴山人宋端拱進士成之之後補弟子員食

餼有聲庠序間生平接人以和而步履必端視無旁矚以歲

貢敘選南海訓導學者負笈從之學舍至不能容有相隨十

餘年不去者立學約八則曰吟誦曰立志曰治心曰守身曰

慎言曰擇交曰待人曰論著顏其齋曰課勤作課勤齋說其

略曰生人之要務勤而已矣心不勤則昏身不勤則弱不勤

於已無以立躬不勤於人無以濟世余素性嗜學又勞於誨

人中年瘠甚或慮余心血嘔出而余終獲保遐齡蓋役於利者溺志薰心役於理者培元葆性勤固無負於人也庚申年八十應鄉試 欽賜舉人辛酉恭遇 覃恩賜贈父母如例

遂歸里年九十一卒著四書講義課勤齋制義藏於家

縣志

呂瀾字運斯號墨海鶴山人以童試冠軍遊郡庠旋食餼棘闈十五試不遇而志不少挫李恭毅公撫粵飭各鄉立千戶保正必得其人毋虛應故事邑令崔田見以瀾名上固辭不獲卽毅然以正人心厚風俗爲已任舊例凡立繼嗣者必索重貲入祖嘗乃得領胙名曰花枝錢貧者難之遂安於絕嗣又不肖子弟有犯禁應罰者如本人赤貧卽由親及疎無故株連甚至累及小宗之祖瀾曉諭鄉人悉罷之人咸悅服瀾事親孝教子尤嚴厲不稍恕五子先後遊於庠卒年六十五

著文癖子稿漱芳詩集若干卷學庸雜俎二卷

採訪冊

麥鷹揚字資美鶴山人中乾隆丁未武科進士賜探花及

第在鑾儀衛行走乾隆六十年分發福建以叅將用署烽

火門叅將因夷船被劫事降把總旋陞中軍叅將兼理海壇

左營遊擊代辦鎮務卒於任鷹揚善騎射鼓厲士卒嘗語其

部下曰砲子會避人人不能避砲子王事不終安用臣爲由

是士多感激前後斬獲盜匪甚衆卒年五十六未竟其用時

論惜之

同上

何汝材字弼常鶴山人邑庠生性至孝祖母患咳嗽恒不得寐申夜呼汝材未嘗不在側爲童子師所得束修盡歸於父有所需則請之衣履不私置一日在館歸請於母曰媳婦侍奉若何母曰媳婦無他過失惟某事其言云云稍拂吾意耳

汝材流涕奉杖跪母前曰兒婦不孝皆兒不能化導所致乞母加責以懲後來母曰事可已明日涕泣復請又明日請如故婦大感悔終身不敢忤其姑汝材既孝事父母又導其妻子躬身勞苦不分責于妯娌每出汲令婦之年長者汲于井中年者接於途少而初歸者接於門人謂其勞逸均而有禮弟汝源病甚醫言不可治汝材時其飲食七八年無厭倦色其後卒治妹適易氏一家五口皆仰給于汝材教其甥嫁其二女又一妹早瞽許字劉氏而夫死亦守貞而老於汝材家凡衣食皆先妹而後及其妻子卒年五十一稱其孝友者遠近無異詞其他瑣事尙不勝書也

縣志

孔貞時字用中德慶人先聖六十三代孫恬淡不慕榮利康熙元年貢太學例得選貞時獨隱居教授生徒知州饒崇

秩重其行嘗餽遺之不可致也避亂遷居太平寨寨民多頑梗不法殘害官吏崇秩請兵將夷其鄉先使人戒貞時徙避於是人得預知而逃存活甚眾先是常携一僕歸自悅城道經山隘見一老父驅九黃牛避路去俄逐虎者趨至見貞時與僕徐行怪曰何物老翁乃不畏虎貞時曰無之以所見告眾咸驚嘆曰先生仁人乃有此異

闕里文獻考

溫可拔字卓岸德慶人少孤事母孝年十九補諸生尋食餽累試高等康熙乙丑歲貢丁卯科登賢書甲戌禮闈後考授中書舍人以母老歸養遂絕意仕進盡色養者數十年母歿因肆志山水愛青雲岡之幽絕依山築屋數楹吟咏其間自號爲青雲主人有青雲集藏於家

州志

徐士宗字德輔德慶人歲貢生父憲章爲鄉塾師歿于寇士

宗年十七號慟夜走六十里仰天嚙指滴血于積屍中得父

骸負而歸賊驚嘆不忍逐吳志敦品好施里人多逋賦士宗悉

代完納至今頌之州志著有南亭集吳志

黃煥文字中行德慶人奇貧而能力學弱冠入泮其試牘爲

一時傳誦明經李元英本州第一流人也雅推重之命子珊

與訂交雍正改元以選拔貢成均肄業太學屢課高等名藉

甚應順天鄉試薦不售歸晚年益勵名節足跡不履公門授

徒所得館穀一以奉親養弟不私蓄也鄉里猶愛敬之州志

何曰佩字縉華德慶人少失恃廬墓三月人名所居曰孝子

廬長補諸生領乾隆甲子鄉薦乙丑成進士由庶吉士授檢

討歷京畿道河南道御史晉禮科給事中丁外艱起補禮科

掌印擢鴻臚寺少卿恭遇

高宗純皇帝、詔舉千叟宴曰珮與焉乙巳除通政司叅議

尋陞太常寺少卿明年轉大理寺少卿兩歲三遷再賜召

對時上方嚮用旋以疾乞歸阮通志曰珮性恬淡服官三十

年未嘗經營家計校士公慎人不敢干以私居臺諫陳奏皆

切時務覺羅長麟墓志嘗分校順天鄉試有權貴欲爲壻覓舉主

試分校官皆仰其意索卷弗得知分曰珮房使人微諷曰珮

不可乃取卷筆抹之既撤棘權貴者嘆曰此鐵門限不可越

也桐城汪志伊曰珮所得士貧甚依曰珮居京師有姻戚李

象楠隨官使與志伊同服汗衫中衣或缺亦並同焉志伊以

大挑官靈石知縣適門下覺羅長麟司臬山西來辭曰珮曰

佩言志伊能屬善視之麟抵任志伊以事望誤將革職麟力

救之由是薦拔歷至督撫爲時名臣志伊風力嚴峻與曰佩

肇慶府志卷十九

五

相似故相契最深云

溫殿書逸事

曰佩卒貧不能卜兆長麟與志

伊捐廉葬之嘉慶二十一年題祀鄉賢

阮通志

徐中運字文選號漱清德慶人士宗孫性高潔不染流俗雅好詩詩在元白之間書得晉人法以歲貢議敘出知晉州轉順天府南岸同知厯石景山同知所至有惠愛聲嘗奉委督捕蝗爲文以祭蝗蝻皆向風中簇擁赴河死制府孫大司馬異之將列薦劄以母老迎養不至告省歸尋卒所著有裕文

樓詩集

州志

李昂德慶人任湖廣巴陵知縣乾隆五十八年奉委隨鎮軍營辦理軍務以勞瘁卒奉旨廕一子縣丞

阮通志

岑現佩德慶人官貴州提標右營守備嘉慶三年隨征四川力戰死奉旨恩卹世襲雲騎尉

同上

溫頤字吳山德慶人乾隆丁丑進士授湖北宜城縣知縣器識高邁臨事不苟劉相國文正公及謝少宰溶生周太史龍官咸器重之抵任未一月大兵征緬甸取道宜城頤條陳支糧供芻衛夫設站四欸定制軍閔方伯咸嘉納下其議於兵過州縣奉爲法故宜民不擾方議擢調未奏請以屬吏簒差不愼鎬緝去官日父老遮道泣送爭致餽遺頤絲毫先受先是縣民某冤會荷頤昭雪至是懷金三百追送至武昌卒弗納某持金泣於門外而去旋以兵竣議起復入都卒於道年五十三同年御史汪新哭以詩有菩薩於今成過去之句蓋當時有溫菩薩之號云

吳湘撰傳

李經邦字昌平德慶人明大司寇賢裔孫也寡言笑樂施予遇鄉里饑先行倡賑以貢生授廣西龍英州州同邊州土官

多桀驚玩法其地徭民雜處俗獷悍鄙陋不知廉恥經邦撫之以慈惠導之以禮教民甚安樂之秩滿擢雲南直隸琅鹽井鹽課提舉司提舉未幾卒

吳虎炳撰墓志

廣西巡撫吳虎炳銘其

墓

采訪冊

謝宁掄字敬屏德慶人由舉人授縣令需次湖北初攝興國州積年案牘剖斷如神分賑沔陽人如望歲其署當陽皇師進征緬甸檄辦馬四百五十匹宁掄集士民諭以大義馬匹芻茭不日而辦護理荊州司馬時京兵數千羽書旁午宁掄出居了角廟朝發厚糗夕計盈縮舟艘騾馬均無貽誤制軍吳嘉其勞補南漳縣未幾卒

邱錫疇撰墓志

馮紹光字燦虞德慶人家貧性至孝事父西疇母鄧氏三十餘年愛敬不懈父母歿合葬於鳳山之陽守墓三年茅廬中

豢一白雞雞鳴輒號泣達旦起視虎跡匝其旁弗爲害也州

人異之作詩紀事知州江濤表曰可以爲孝矣

楊遇春撰傳

莫殿紹德慶人監生性至孝父樂天年七十病篤不知人事者兩日殿紹夜焚香祝天乞以身代懷利及乘家人不覺割左乳取血和藥進父氣將絕不下咽殿紹以口哺之吹藥下少頃能言曰渴甚殿紹復割乳和米作糜以進樂天於是延壽一紀母陳氏患寒十年不愈殿紹爲大襦日則負之行庭中夜則眠牀暖足如是者不倦陳氏年至八十其他修太平基及各橋路具載葉荆所撰墓志

采訪冊

溫承恭字靜聞德慶人進士頤子歲貢生性倜儻有大志慕陳同甫之爲人九齡能讀崔鴻十六國春秋年十五遂通諸史學使李調元奇之補諸生能詩善爲駢體文秋闈十八試

不售嘉慶初 國家用兵西蜀承恭慨然有從軍志姊婿徐
念高爲蜀華陽令往依焉途中兩遇盜皆以智脫至華陽念
高方買補沉失軍米齎大營計無可任者承恭請往經夔州
賊將薄城承恭謁夔守周景福曰孤城無援非固守不可宜
截收所齎糧爲持久計從之遂中道交割而還夔藉以安其
遇事應變大率如此然蜀中十往返卒無所遇過荆襄間與
楚人張瓊臺傾蓋吐衷曲行至鸚鵡洲爲文祭禰衡墓相與
大哭聞者莫不驚詫還粵後家益貧敝衣疏食門外乞貸猶
竭蹶應之生平當衣冠濟楚笙歌雜踏之場輒蹙然終日及
論國家得失古今成敗縱橫上下風發泉湧一座盡傾卒年
五十有八著有補迂集六卷隨得錄二卷雜論偶記一卷莊
亭詩文集二卷藏於家

黃喬松撰傳

李雲臺字應樞承恭同州人

辛巳舉人讀書以古人爲期從承恭習爲六朝文工詩著花

萼園集十四卷

采訪
冊

梁曾齡字躋彭德慶人性敏慧工詩文重意氣少年嘗爲孝子何某償帑欠邑人義之以詩見賞於督學李調元補諸生領嘉慶辛酉鄉薦欽州馮敏昌嘗語之曰子天分過人異日必以詩文名於世居京師十三年主其座主李松年家以詩謁紀文達公於私第公曰老境頽唐知交零落觀子所爲吾豁堂有孫矣豁堂曾齡祖文達公同年生也丁丑 欽取覺羅教習母老歸養丁內艱以疾卒著有露桃山館詩文集若

千卷

徐懷
撰傳

溫潤字挹琦號近易封川人性孝友父早卒弟五人皆幼潤奉母撫羣弟以養以教同爨四十餘年家累百餘口甘苦必

其人比之鄭義門尤工詩詞翰精絕嶺南名宿如程周量梁
藥亭諸前輩皆與訂交順治十一年拔貢考授縣丞以母葉
氏年老侍養不仕子如壩亦善屬文詩賦膾炙人口由明經
選授電白縣司鐸執經問字者門外之履恒滿邑長沈可選
更修邑乘編訂考據多出其手所著有成菴文集白鶴山樵
詩二卷藏于家

縣志

蒙昌奕字振業封川人貢生士恒子也士恒聰慧慎重足不
履公庭邑長李芳春旌其廬曰有古君子風昌奕善承家訓
少負氣節有文名康熙甲寅歲薦三十七年選授吳川訓導
捐修聖廟癸巳吳邑饑捐俸設粥於黃坡墟賑濟存活甚
衆士民頌之在任十九年擢順德教諭吳邑諸生爲立去思
碑順德故劇邑時中丞法公諭開墾下沙田者先取儒學印

單昌奕連發數單一介不取其潔操如此在任二載卒

縣志

岑尙彪字作周封川人邑諸生篤行尚義康熙癸巳歲大饑
餓孺載道邑令楊鰲與紳耆僉捐在城后北山寺設厰施粥
賑濟彪與溫如綸梁夢蘭力肩其任前後月餘凡老稚殘疾
加意撫綏全活甚衆邑令吳永緒創建義學彪與有力焉子
超岐歲貢生選廣州龍門縣司訓有學行

朱石蓮封川人樂善好施康熙癸巳歲饑石蓮捐貲散米本
鄉全活多人邑令楊鰲旌之曰望重名州時有聶秀玠者亦
封川修泰人散米平崗墟邑令旌之曰惠敷梓里

朱明字卿瑞封川人勇敢知兵當吳逆時以布衣入謁督府
金公與議軍機洞中時事遂辟置麾下隨征入滇握符進安
龍諸要路屢著勞績公授以都司銜隨標報効嘗以軍務至

廣西藤縣得弊務數則回白中丞石公請示禁杜藤民德之
卒通政使袁景星爲之傳

溫毅字挺治封川人武庠生父如紘有隱德王邦相據梧時
署以僞職避不受毅狀貌魁梧善挽強弓喜談兵慷慨仗義
雍正三年土寇黃朝客等嘯聚劫掠總督孔毓珣遣叅將鍾
維嶽督同地方文武捕勦時知縣閻宗衍習知毅有勇略挾
與俱頗著勞績賊平欲敘其功上之爲忌者所撓宗衍贈聯
有手發孫吳箭胸藏孔孟書之句

葉會時字正荪號堯階封川人明經曉園子也葉氏奕世書
香會時少岐嶷與弟際時中時並有才名年十七補諸生二
十列上舍四十二貢成均乾隆戊午舉於鄉壬戌成進士平
生淹貫經史得力於莊騷董韓之間才敏捷頃刻可成數藝

於時督學陳雲倬觀察楊蘭畹山長劉斗田皆極推許而太史莊有信孝廉蘇珥尤說項不去口也以晚登科第母老因赴部改教職逾三年任惠州府教授課士有方未幾卒會時學有根柢品益醇粹時以未竟所用惜之子勗封乾隆壬午舉人善承家學理宗程朱四子書尤有體認講學三十年循循善誘四方從遊者肩踵相接門下士一經指授各有成就年五十三卒父子兄弟並登科甲家學淵源鄉人咸推重焉溫芳顏字恆和封川人增生有孝行少時父病籲天請代父思食雞炙醫者難之後父死終身不食雞遂專業岐黃術事母孔氏年九十餘晨昏侍養宛然孺慕邦人稱之

蒙澄字穎川封川人少失怙母陳氏教之有畫荻風及長孝友愷悌事孀親撫幼弟自少至老戚里無間言弱冠補弟子

員屢居首選品端學邃邑宰延掌教義學佳士多出其門生平持重老成邑中修黉宮建文閣諸善舉皆由倡首顧數奇不偶以明經終焉子二長材歲貢生次樛拔貢生俱同上

陳一貞開建人兄弟六人老方異爨義方訓子謹厚處鄉以

子國儒貴封奉政大夫

吳志

陳國儒字去疑開建人順治十五年巡撫廣西于題以通判用初任陝西鞏昌府西寧茶馬通判茶院許題薦陞温州府同知大計督撫薦陞漢陽府知府撫院林歲薦才堪治劇詰獄得情纂修郡志綱目條晰嗣與當事相忤罷歸縣志黃河源開建人行已直處人和廉靜寡欲有先人風範以明經始任羅定訓導因奉裁補合浦訓導教士有方興起學校年及耄期日觀經史子梅亦明經

侯文邦字繩武開建人康熙元年歲貢世勲之子也光明謹飭學問該博修輯邑志綱目條晰每爲當事鑒賞

俱同上

人物三 列女一

漢

蒼梧廣信

今封地

女子蘇娥行宿高要鵲巢亭爲亭長龔壽所

殺及婢致富取其財埋致樓下交趾刺史周倣行部宿高要

亭覺壽姦罪奏之殺壽

王謨增輯謝承後漢書

按此已見周倣傳于寶搜神記顏之推還冤記則皆

稱九江何倣爲交州刺史行部至蒼梧高要縣宿鵲

奔亭云云封川志何倣傳亦載此事又于記云初掘

娥尸有雙鵲奔其亭故曰鵲奔亭是亭先名鵲巢後

改鵲奔舊志但載鵲奔亭在高要新江口而不爲娥

立傳茲仍據謝承後漢書登娥以冠肇慶列女不取

搜神還冤等記至周倣何倣記載兩歧已於古蹟門

鵲奔亭下小注辨之

唐

文貞女四會人許嫁鮑生貞元三年生斃於虎女匍匐赴喪服衰三年事公姑甚謹邑人名其所居爲貞里大清一統志父母欲奪其志遂潛遜貞山居於絕巘藝蔗芋蕉竹以自給親黨求之莫知所在僉謂其登仙去鄉人立祠祀之曰貞烈仙祠水旱祈禱輒應宋紹熙間邑主簿陳某記其事吳志

按太平寰宇記載貞里女許嫁未成婚其夫因虎而亡乃誓不嫁而身歸夫家奉養舅姑晨昏不倦人美其行故名其里貞里女疑卽鮑氏又郝通志載徐氏女未嫁夫死歸奉舅姑三年父母欲奪其志女潛遜貞山藝麻芋自給親黨求之莫知所在人以爲登仙

去云事同而姓異姑記之以俟考

宋

開建李以達妻陳氏少寡無子守志不二父母欲奪其志慟哭引刀自誓乃止有司上其事表之

黃通志

五孝女者梁聰女四人暨聰子南正之女也本南雄人咸淳間聰挈家避亂卜居高要之寶查村五女並誓不嫁以事母後父母卒建利于居之東曰梅山寺居焉

吳志

元

儒士李從輪妻梁氏元末西賊侵掠從輪舉家被害梁與妾麥氏被虜舟中賊欲犯之梁大罵曰我良家女宦家婦恨不斫爾輩頭以報吾夫於地下敢污吾乎遂與麥同赴水死

鶴志

明

舉人陸週妻陳氏少有女德父概重其配迺歸於週五載週卒無子陳年二十六日夕號泣誓不易志毀容歛跡終其身郡守歐陽恂作傳以旌其門

金通志

陳灝妻廖氏灝亡一子繼英甫二歲廖矢志守節事繼姑宋甚孝教子成立孀居五十餘年人無間言士大夫多咏美之分巡僉事汪鉉詩曰寤寐更無歸魯志死生不易保曹心

同上

楊濱妻龍潔娘龍昌之女生子和甫兩月濱故潔年二十誓志守節毀容深居勤女紅以養姑鞠子郡守歐陽恂旌其閭

且爲之傳年八十卒

郝通志

梁謐妻龍氏年十八歸踰年謐卒龍痛哭屢絕所親諷以再適龍曰妾許夫矣寧忍食言歛跡深居務勤紡績翁姑賴焉

視夫諸姪如子夫弟諫坐罪鬻畝田贖之年七十三卒郡守

歐陽恂賻焉邑人嚴逾爲作節婦傳

同上

陳積祿妻鍾氏生一子甫六月嘉靖乙巳冬狼賊至突入其家執積祿鍾冒刃救夫獲脫賊遂執鍾欲犯之鍾厲聲曰頭可斷決不可辱賊怒斬其臂而死年二十有二聞者莫不嗟悼事聞提學副使蔡克廉榜其門以風

黃通志

譚佳妻羅氏萬曆三年正月富林賊掠村焚屋羅以六月孤兒付夫踰垣先遁羅遂被執度不能免紿賊家有厚貲入收之遂赴水死郡人多爲詩文弔焉

金通志

譚良翰妻梁氏年十九萬曆三年正月爲富霖賊所執見其美掖之上馬梁抗罵投地復掖復投如是者三賊怒殺之剗

其腹見者咸泣下

郝通志

程衡妻潘氏衡游於庠邑訓導陳紀召遷文昌教諭以金二百寄於衡音問不聞越五載紀召與衡皆死矣或說潘可因以爲利潘曰利人之有不義敗夫之名不仁及紀召幼子思忠至舉而還之封識如故

同上

容遠妻陸氏年二十遠亡無子又無期功之親甘貧守志竭力以事舅姑葬祭如禮五十餘年其節愈厲

吳志

嚴懋仁妻黃氏年二十四而夫亡一子在襁褓一子遺腹絕脂鉛嚴內外雖歲時伏臘親族難見其面四十餘年如一日也太守鄭一麟署曰青年守節矢志靡他白首全歸貞操無二生不遇旌沒宜載史

蔡廷任妻馬氏年十八而寡生二子家貧竭力事姑兄伯富而無子欲子其子不可享年六十有五

吳志

劉逢妻梁氏年二十歸生子甫七月而逢卒孀居育孤五十餘年守節無玷郡守旌其門

生員梁綱之妻謝氏適梁三載生子昌允而梁亡謝觸棺求死翁姑慰諭而止撫育遺幼允得疾瀕危有烏投止氏懷兒幸無恙稍長教以義方肅謹不懈見字紙墮地厲色相戒必寶重之姑病禱以身代天啟甲子昌允舉於鄉蓋節孝之報云俱同上

羅秀姑

吳志作巢姑

年十六羅旁賊流劫獲秀姑見其美欲得之

秀姑紿曰家有財待取同去遂赴水死邑人黃行著詩輓之

郝通志

右高要縣

林相妻歐陽氏生一子世遠相省父於故城歸至湖口卒歐

陽聞之哀慟幾絕誓無他志所親諷以改適歐陽曰吾卽忍舍兒女何忍負吾夫言者愧沮成化甲午舅補官上高召世遠往就學或以孤幼勿遠游爲言歐陽曰宜亟往萬一有成庶不泯渠父也世遠登進士令莆田蕪湖迎母就養每戒母用嚴刑宏治二年詔旌其門縉紳作貞則錄以美之少傅王鏊爲之傳

黃通志

王鏊林節婦傳林孺人者知吾蘇前監察御史林侯世遠之母也姓歐陽氏父照母李年十五歸贈監察御史林公相林與歐陽皆四會名族故締姻云孺人幼有至性孝敬風成下至中饋女工之類尤極精工非流俗婦女所及舅姑相賀得賢婦往往稱道於人不已未幾舅以國子生任故城縣丞御史公遠省親歸至湖口得疾卒弟榛負骸歸葬孺人年時二十有八卽屏膏沐誓以死從每慟哭絕而復甦哀動閭里所生子女多夭閨僅存其二侯及李氏女也或以孺人早寡子死而巳言者愧謝林族食指繁時或不給則取具外氏而孺人安之且務勤儉以佐家費侯幼多疾孺人調護甚謹至視於學少懈則苛責不貸已而舅佐上高以書取侯往就學或

以遠離膝下為言。隋人曰：吾舅命也。吾意正在此耳。遂遣之行。侯用是感奮，為學益力。及歸，竟連取科第。以文章顯鄉邦。覽之邑先輩李尉部克治為孫擇配，且久聞。儒人有女，訓乃委禽焉。即所謂李氏女也。其見重鄉士夫如此。侯初知莆田，再知無湖，皆迎濡人就養。濡人每舉清慎勤三事為訓，猶戒毋用嚴刑，意獨懇懇。侯迄今遵之，不敢違後。儒人以久病得瘥，遂思歸抵家，未久而卒。春秋五十有七。先是，有司以孺人節行上於朝，詔旌其門。侯尋以御史考最，復得追贈其父如其官而為人頌焉。恩寵交臨，皆不及見。此侯所以夙夜痛心者也。侯文章政事所至馳聲，其位方將益顯，則朝廷所以褒恤其親者又不止是而已。

生員林祊妻某氏

或作李氏

運使津女祊卒氏年二十有八矢志

靡他。或勸之改適，則曰：吾祖姑歐陽以節聞，吾不自愛是辱

吾姑也。言者愧赧。知縣陳自然匾其堂曰紹節。

吳志

梁氏女白沙人，年十八未歸。夫繫於獄，誓不他適。鄉人彭浪

甫刼之歸。女即自刎死。紳士過客作哀詩百餘首，刻成集。知

縣賴濂理其冤獄。上太守陸鑒，置彭於法。復作詩弔之。崇正

肇慶府志

卷十九

列女

李九

間巡按葛徵奇題奏旌之建祠龍華寺左帖其門曰清淚不
隨綏水去英魂常傍嶺雲飛見粵中後邑人吳士燿修邑志夜
三鼓見房中有光一婦人持刀立忽反袂而去燿初驚怪既
而思之曰此必梁氏女欲留志乘致現神光遂特書以慰其
靈且風後人

吳志

陰陽術科楊冕妻陳氏冕卒氏年二十五哀痛欲殉以有遺
腹而止越五月生男閉戶鞠孤終身履不踰閭

生員梁異妻林氏邑佐林洞女年二十六而寡撫孤子維樟
教以遺書清節四十餘年樟仕漳州別駕

俱同上

廩生周維翰妻李氏少寡撫一子紹謨持身克謹矢志靡他
萬厯甲午督學道陳璧旌其門曰貞節

郝通志

右四會縣

刑部侍郎陳鼎妻鄧氏累封淑人正統間流賊寇邑淑人被擄至南城外賊叱之跪淑人唾罵曰老賊奴我命婦也豈屈膝於賊耶賊又曰若稱我爲大人卽縱汝淑人忿然曰大人之稱吾夫當之劇賊羣鼠行就戮耳賊怒殺之

黃通志

蕭秀清蕭能女未字正德間被賊擄去其父懷金往贖賊私議奪金不歸其女秀清聞之自度不免私謂父曰懷金速歸賊必不我釋我有死耳父潛去得免賊携入山將辱之秀清觸石流血賊怒殺之提學副使蔡克廉旌之曰烈女之門

同上

余仁仲妻鄭氏年十八歸余生子齊三歲仁仲歿鄭守節終身知縣胡堯時旌其門

吳志

舉人陳善妻伍氏善家素貧及卒無嗣伍外家尤窘內外無依人謂必不能存伍乃堅志不二守節終身及母弟淪亡竭

力殮葬提學副使蔡克廉旌其門

郝通志

鄧文和妻簡氏善事後姑夫喪簡年二十一遺腹生子則堯簡誓無他志有勸其再適者厲聲絕之提學副使蔡克廉旌

其門

吳志

陳英娘葉萬莊妻也萬莊經商溺於海人謂其黨所害英娘聞變慘絕忍死孀居密求害夫者十餘年不得所親未喻其意或微諷焉英娘曰夫死非命早夜以不得復讐爲恨忍易心耶聞者義而憐之提學蔡克廉旌其門

郝通志

葉成體妻潘氏年十九夫喪子甫晬潘悲哀毀容事翁姑撫幼子或勸改適以死自誓及子殀又撫幼孫年七十四終趙從之妻李氏年十八歸趙踰年而寡所生一子教之成立清貧苦節歷數十年

俱同上

葉緒妻梁氏女年十六歸葉越五載而緒亡子長茂甫一歲

矢節終身

吳志

蘇紀妻梁英潔世芳女年二十八而寡守節撫孤及子彬妻趙氏生孫琦彬又早卒梁與趙共撫幼孫稱雙節初梁之母趙亦三十而寡能拮据持其家人謂貞潔之風有自來云恩平令鄒級顏其堂曰賢節

庠生葉日培妻梁氏子歸二載而廢無子矢貞畢世

生員甘永妻陳氏年二十四喪夫孝養老姑能盡婦職姑歿典衣鬻產殮葬如禮二子清芬如薰自襁褓中教育成立縣尹查蕪英旌以匾曰節孝流芳

陳所蘊妻黎氏年二十七夫死孀守事姑至孝以其里鮮知學者攜二子就塾外家卒以成立夫兄子仲勳妻趙氏早寡

鳳陽縣志卷之十一
聞其教亦守節弗渝黎祀節孝祠上俱同

右新興縣

福山令汪漢妻鄧氏正德中漢爲邑諸生西山賊攻城虜鄧

欲汚之鄧不屈罵賊死年三十四祀節孝祠金通志

吳梓妻嚴氏年二十六而寡甘貧撫幼誓不他適年六十餘

卒

阮通志按吳志梓作禕

汪若珩妻楊氏年二十而寡家徒四壁遺一子一女久亦並喪氏守志愈堅雖日絕食毫無怨恨歿無以殮通邑公舉請

旌

郝通志

汪雲桐妻林氏宏燦母也年二十四而寡甘貧守節誨孤成立壽躋八旬崇正四年旌祀於節孝祠吳志

生員賴應璧妻胡氏六安州守秉忠長女也年二十五夫歿

無伯叔之親無擔石之儲孝事其姑二子襁褓中鞠養年七十二卒子演疇邑庠生洪疇歲貢生孫賓國亦邑諸生
賴欽堯妻黎氏翁秋榮任雲南按察司經歷堯往省父渡雲霖河溺死黎時年十八遺腹生子一貫誨之成立有聲邑庠
孫聖紹亦庠生孀守六十餘年壽八十四歲天啟崇正間縣尹兩旌之

黃仕登妻林氏年二十七夫歿拮据勞瘁教子守珉諸生有名龔太史序云守節自十七歲稱未亡人者五十六年歷險阻存亡之關苦中愈苦延俎豆詩書之祚難中倍難

陽春所千戶楊巽繼妻朱氏明季盜羅成耀攻陽春城巽死於難時朱年二十六無所出矢志勵節撫巽前妻所生子公

俊公亮以明經文學知名於時

縣志

生員蔡齋稷之妻崔氏年二十四夫亡甘守貧淡事舅姑不失禮教其子如鑒早列膠庠壽八十而卒

吳志

生員梁儼妻黃氏學博黃守誼女年二十五夫亡子宜中甫三歲節操冰霜動必以禮鄰婦罕識其面課宜中餼於庠猶督教不輟云

張廕晃妻嚴氏年十八適晃生男鑒五歲夫卒孀居謹守誓不他適事姑愈敬順不事華飾處妯娌雍容和諧教遺孤九能畫荻其堅貞孝義出於天性云

殷昇妻梁氏年十六歸昇二十六夫亡慟哭誓死翁姑妯娌以撫孤勗之乃稍啜餽粥自後勤紡績以資衣食數十年淡如也

黃允昇妻韋氏邑庠韋熿次妹也年十八歸黃二十一孀居

翁姑早亡家徒四壁誓不改節苦守三十餘年鄉里嘉之俱同

右陽春縣

念雲女鄭氏年甫及笄嘉靖中賊破山砦執之乘以馬女不從投地幾斃賊欲負之走痛齧其背遂遇害金通志

馬恭姐

阮通志作高要人

似龍女泗州同知尙綱孫女甫三歲許字

比鄰林凝雲子昂女幼機敏祖課其兄魯論傾耳能誦無何祖父及兄相繼沒家遂寢落林有悔意復聞貲郎黎氏女待字奩甚厚心利之陽以蜚語中馬陰以愛子聘黎馬聞其故繞屋號泣聲達街衢幸郡司馬黃一中視學多士爭唾昂之面而誣得白女慨然曰吾得死所矣遂沐浴更衣縊於密室死之日弔者相望於道時萬厯戊午仲秋日也後請旌吳志

高天如聘妻杜庚姐庠生拱陽女聞夫殤閉戶絕粒大哭失聲矢志奔喪父母難之斷髮自誓成服往哭如禮事舅姑以

孝聞

縣志

四十餘年族人始爲立嗣崇正十二年旌

縣志

馮濬

縣志

妻陳氏歸馮生子琨三歲夫卒陳年二十三舅姑

繼沒家業傾落子又天殤苦節彌堅及卒貧無以殮邑令吳

煥章助之棺衾提學副使蔡克廉旌其門

金通志

羅秀妻沙氏生子士毅方三歲秀亡家業日替舅姑數勸改

適不從茹苦孀居以育其子提學僉事吳鵬旌焉

縣志

後士

毅爲古田教諭曾孫尙質以鄉科爲景陵淑浦二縣令皆知

爲節孝之報云

縣志

梁立妻麥氏嘉靖二十八年歸省父母道遇賊義不受辱罵

賊而死

縣志

劉英妻黃氏生子端甫一週而英故黃時年二十五守節歷

數十年院道屢優給焉

吳志

譚以忠妻劉氏光祿丞竝女以忠廷試卒於途劉年二十七無子妾生子學舜劉與妾共守事翁姑教幼子年八十卒嘉隆萬厯間御史疊旌其門

指揮仇堯輔妻沙氏年二十八而寡家貧紡績以養翁姑育幼子備極艱辛居常動必以禮閨閭之外罕聞其聲年九十二而終

蘇門雙節婦者一蘇志母譚氏一志妻陳氏年皆十九而孀

姑媳相依爲命百苦備嘗陳氏一子雲鵬卒能教之成立爲

邑明經

俱同上

右陽江縣

譚世祿妻何氏世祿死於寇子宗琦尙在襁褓姑憫其少勸改適何泣曰姑寡而無子婦寡而有子舍子而嫁誰其養姑竟不渝節壽九十卒

金通志

嚴門二婦一庠生嚴璽妻何氏昇女生子贊甫三歲璽故何年二十五誓死不二事姑守節孀居四十餘年一璽弟素妻莫氏謙光女生子貫方周歲素亦故莫年二十三堅志守節終身無玷有司俱奏旌共門

黃通志

進士李士文爲作雙節傳

郝通志

馮氏三烈者馮麗妻李氏夫早亡女二長年二十次女

黃通志作

麗弟華次女

年十六俱未字鄉人因亂設寨以守嘉靖二十三年

會寧狼賊攻寨將破李氏謂二女曰賊勢熾寨必不完若等可辱于賊乎二女抱母泣曰被辱以求活不若死李即躍身

八井二女相繼從之及寨破賊聞之怒出三尸支解焉數日

家人殮之面如生

吳志

庠生黎輔妻梁氏夫亡無子梁年二十三誓不他適紡績以供舅姑嘉靖三十二年狼賊流劫梁扶姑走伏池側遇賊將搜之去梁忿厲不從粹賊於池賊怒亂刃殺之

同上

楊厯吾女許字黃氏子

名失

未嫁夫亡女年十七聞訃卽閉戶

沐浴更衣哭失聲母疾呼之已自縊死矣知縣熊德揚具申

郡旌焉

郡通志

譚某妻嚴氏萬平女歸二年而寡嚴年二十無子義不再醮

知縣楊旌曰節比冰霜

吳志

楊舜陶妻龍氏歸二載陶卒守節撫孤以存夫嗣厯年九十

餘不出閨闥有司旌之曰貞壽

同上

蔡朝綱妻譚氏綱回自廣西至富灣疾革譚迎之石橋聞夫

氣絕遂慟哭投水死

縣志

梁奇會妻譚氏奇久勞疾家貧不能辦藥餌醫曰人肉可愈

氏割左臂肉啖之竟痊

吳志

謝氏縣城西織染局旦之女未字守貞年九十三而卒知縣

熊德揚以女士匾旌之

同上

楊氏縣尹伯潤女適譚鄧英英少孤一弟幼值正統己巳之

變幼弟已被害楊慮夫戀已懼難又勢難共避遂飲藥卒夫

乃以避免宗祀獲延

郝通志

李訓妻夏氏年十七歸訓生二子敬宗成貴夫負積疴祝天

願以身代夫卒將殉焉或曰爾子俱幼稚而弗撫之將絕夫

祀乃吞聲餒粥孀守三十九載而卒

謝廷惠妻譚氏歸一載夫歿譚年十九子琛尙幼伯叔欺凌外侮淳至乃抱孤依母家紡績課琛成立早列膠庠乙酉舉人謝一鵬其後也譚壽九十而終

嚴金妻楊氏年二十夫喪毀容深居事姑鞠子沒齒清操人

咸稱之

俱同上

羅氏女隆慶己巳間西賊犯邑延燒村落婦人多守義罹鋒刃羅遇賊不辱赴火死邑人區大相作烽烟完節詩美之有句云烈性金同煉芳心桂共然

區海目集

嚴氏女節婦楊氏女也隆慶辛未賊掠邑舉家被擄賊欲殺

其兄女跪泣曰吾父早喪母孀守惟此兄也請身代賊憫不

殺欲汚之又曰請釋吾兄歸則從汝及兄去女罵賊賊怒剗

其腹而死

鄒通志

何樞妻周氏年二十四守節事姑至孝紡績撫孤閱四十年

鄉邑屢舉貞節

吳志

嚴挺芳妻沈氏芳死廣西氏奔喪欲赴水人救之歸家踰月自經以殉

嚴保初妻黃氏年十八歸嚴三載而保卒遺腹一子守以終身

區遷喬妻李氏年二十三夫亡子昌應甫兩月李教育成立登乙酉經元

何光裕妻謝氏年十九適裕一載夫亡無子勵志孀守以事姑夫弟光祿以長子懋德嗣愛之若己出弱冠爲邑庠生何欽妻陸氏欽卒無子陸時年二十二誓志自守惟勤紡績以孝養舅姑所居不蔽風雨罔與門外事四十餘年貞白無

玷族人高其節祀事必先牒焉

俱同上

梁興妻區氏年二十七嘉靖間會寧狼賊掠其鄉姑及娣婦俱被繫區泣謂姑老矣且隨去以待贖謂娣婦汝不必死其以身蔽姑遂齧縲赴池賊怒鎗其膊死次日夫贖母母泣曰汝婦死前池矣出其尸兩目睥然如怒

郝通志

區盒妻梁氏生二子方在襁褓盒亡梁二十五矢志自勵冰葉爲操事姑久而愈恭教二子皆能成立卒年八十二孫懷素元孫昌應舉孝廉

同上

生員嚴養蒙妻區氏濟南州同知世美女歸三載夫死區年

二十二

郝通志作二十

矢志靡他食貧六十餘年事舅姑撫幼姪知

縣葉成宦旌其門

吳志

區瑛妻何氏以孝謹稱舅志舉好義何脫簪珥助之不少吝

舅亡瑛哀毀過禮亦卒何年二十二屢勸絕族有涎其產者
諷所親諭再適何泣曰夫死孝吾獨不能死節哉遂自縊妯
娣排扉救之獲甦飲藥茹荼養姑鞠子勵操六十餘年人無
異議同上

右高明縣

莫疑妻朱氏隨夫至京疑以軍功授錦衣衛冠帶總旗正德
十三年疑卒於京邸朱氏年二十有七矢志撫孤不出閨闥
四十餘年教子如善登進士京尹奏旌其門後以子貴封安
人吳志

諸生鄭倫妻楊氏年二十二而寡事舅姑撫孤子四十餘年
有司旌其門郝通志

岑統妻陳氏隆慶己巳賊掠城邑毀其家陳罵賊而死

梁勝祖梁惟現女年十八未適隆慶三年賊掠村勝祖被執
罵賊不肯行拽之罵益甚賊殺之

俱同上

吳松森妻麥氏年十七歸吳二十而夫卒止一女慟哭幾絕
終身素容淡服食粗糲卽豐歲未嘗改也年五十卒

吳志

吳周英妻梁氏歸一歲周英病且革謂梁曰汝能守以存吾
孤乎梁曰能及子長愚駭母欲奪其志泣曰子雖愚捨之不
可以言慈夫言在耳背之不可以爲婦矢死不移年八十卒

同上

右恩平縣

張寅妻蘇氏景泰初黃蕭養賊黨周三爲亂圍村寅全家被
殺以蘇美獨留蘇罵賊赴水死

吳志

林宗妻盧氏年十六嫁林里人鮮識其面與隣婦合縷召工

織布夫外出工無賴出穢言聞于盧盧斥之他日復使鄰婦通殷懃盧益憤欲控於官夫素怯弗能較也盧懷抱怏怏若不容於世者遂投江死年二十有五

勞御賓妻何氏年十八歸賓甫一月御賓客死何迎屍歸殮哭泣三年足跡不出戶外紡績供養舅姑年五十六卒邑宰方世義表其閭曰貞節孝婦

方處女古宅村方載之女年二十未字嘉靖二十七年爲流

賊所擄出門卽罵賊赴池死

俱同上

甄氏二烈婦一甄伯成妻周氏一伯成姪朝璉妻梁氏俱爲流賊周高山所劫擄至尖嘴山罵賊不屈周自刎梁赴水死

柳通志

右開平縣

蘇本妻麥氏宏治間本任福建明溪驛丞卒於官麥年二十七無子扶柩歸葬有富人遣媒議婚麥曰夫影在堂問之應吾卽許矣媒愧而退自是不梳不飾專紡績以奉姑縣令羅僑親拜其門表曰清閨白壁

縣志

生員李夔妻張氏事姑以孝聞嘉靖間盜破祿洞張被執盜憐其色至大坡徑欲犯之大罵不屈賊怒殺之至死罵不絕聲縣請於督學蔡克廉表其閭曰烈婦之門

雙節婦一馮氏易鶴妻一劉氏鶴弟生員易天準妻易兄弟同居妯娌甚睦嘉靖二十七年同爲流賊所擄馮抱幼男劉抱弱女私相語曰今當存者子女耳行至倉邊塘貽賊曰吾弱質子女在負如道路何盍緩吾索釋子女賊從之二氏相挽赴水賊以短戈舂馮胸立死劉抱馮屍俱沉事聞當道表

其門

呂師賢妻楊氏明初土寇流劫欲偪之赴水死

呂鳳廷妻鄧氏年二十一崇正間土寇流劫古勞鄧襁負幼兒遇賊恐爲所污急置兒桑間赴水死

俱同上

右鶴山縣

劉英妻彭氏名亞元彭智女天順間流賊入城時翁夫俱出姑囑婦曰吾老不能去汝勿留彭曰姑在婦何之賊至并繫之彭紿賊曰姑老且病不能行欲我去必釋姑賊從之彭見姑去遠乃以頭觸石流血被面遂投於池賊援起罵不絕口賊怒殺之

金通志

庠生鄧世源妻陳秋光夫沒哀慟幾絕年少家貧舅姑慮其失所服除送歸母家父母潛欲奪其志復送之夫家陳知之

舟至悅城投水死

黃通志

馮杲

舊府志作杲

妻羅氏仲寬女年二十而杲亡無子家貧不自

給專以紡績養姑孀居三十七年閨門整肅教諭鄧朴傳其

事

郝通志

謝英妻羅

舊府志作嚴

妙元生一子三歲而英死姑欲奪其志氏

矢志靡他守貧養姑年八十卒

阮通志

千戶張鑑妻陳妙娘天順三年流賊八城鑑赴敵死陳年二

十四一子甫周歲仰天泣曰吾夫不負國吾敢負夫哉孀居

撫子人無異議巡按御史丁蘭旌之

吳志

陳子聰妻熊佛娘生子萬雄僅一歲而子聰沒熊年二十三

及萬雄長娶婦馮康妹僅三歲而萬雄亦夭馮年二十一且

無子姑婦相抱慟誓共守閨門肅如人稱雙節

郝通志

趙昌妻黎氏細保生一子騰霄方二齡昌故黎年二十三守

志甘貧教子成立

吳志

嚴璋妻何氏名老妹生子思甫三月璋故何年二十三守志

不移壽踰七十人無異議嘉靖三十九年御史潘季馴以粟

帛旌之

同土

庠生徐紹卿妻梁正

阮通志作貞

梁上之女年十九適徐二載生

子星甫三月夫故梁甘貧紡績以養其姑孀居四十年壽六

十一

郝通志

李大章妻戴滿娘年二十二夫故家貧一子在抱翁姑俱老

紡績以供事畜比翁姑終窳殮如禮母欲奪其志不從課子

成立苦節終身

吳志

右德慶州

曾氏年十九而孀誓不再嫁父母不能强事翁姑惟謹萬厯十八年旌之

金通志

右封川縣

植英和妻侯氏年二十四夫亡姑見其少欲令他適自誓不更二夫撫孤成立有司旌之

郝通志

葉氏女許聘邱氏子邱家以訟落父母別締富室女諫不從歸有日矣女密紉下裳潛出投河死越日屍浮顏色如生

同上

右開建縣

人物 四 列女二

國朝上

陳孝女者沙步村人父季循晚年舉子杏甫及孝女杏甫年十四偶隨父至羊城道遇術者相之曰郎君貌當天年十八歲必亡然急取婦當生兩男而後卒不然將絕嗣季循從之明年爲取妻吳氏連舉兩男而杏甫死矣果十八歲也是歲爲順治之庚子年踰年吳氏亦殞遺二子長者纔四齡少則僅及周歲季循年益衰老兩雛失怙恃惟孝女是賴孝女時方及笄許字蘇坑張姓親迎之期至矣孝女手百金自斷髮置綵轎中退立庭前語曰吾父老兄嫂不幸並亡所遺二幼孤誰托吾決不嫁撫兩姪續父之嗣今手剪髮自誓幸歸爲我語張家將金改聘他氏勿奪吾志孝女旣矢節奉老父以

壽卒撫兩孤長棟肆文次彪肆武並游庠又各抱子孝女輩

老乃闢靜室號陸修奉佛以終菴址猶存

高要志

梁指妹明孝廉涇州守鏤之女孫處士迴清之女生而聰敏

嫻閭訓受聘蛟塘里諸生周頌年二十未婚而頌卒指妹聞

訃號哭白父母奔喪不可設位晨暮哭至明年五月朔爲頌

小祥日妹哭訖盛飾登樓自經死康熙四十八年旌

郝通志

其

絕命詩有身歸黃土魂猶在骨化寒灰志尙堅之句頌母莫

氏臨哭迎其柩與頌合墓士大夫題贈盈卷軸督府盧興祖

巡撫王來任旌其門曰至性過人

吳志

鍾公球妻文氏公球貧且病不能具湯藥文織席以供百方

不治一日聞醫云人肉可愈文禱天割股和藥以進創甚不

能起夫詢得其狀爲涕泣文曰君未有嗣倘愈而舉一子吾

死瞑目矣不然生亦何益鄉里稱之

何赤常妻徐氏年十七適赤常赤常無人道且得狂疾舅姑令改適徐堅志不可以死自誓家貧紡績給食赤常每疾發輒撻徐徐事之益謹終無所悔舅姑兩叔相繼亡徐勉力殯葬如禮及夫死哭之甚哀聞者莫不隕涕孀守三十餘年鄉里敬之

俱同上

利尊可妻羅氏夫死守節康熙四十三年旌

縣志

鍾報五妻覃氏年二十歸鍾甫七月夫卒遺腹生子勤於持家日事紡績語言不出閫外篤孝舅姑年逾八十始終一節

康熙四十六年旌曰節比松筠

郝通志

陳伯期妻陸氏性聰慧習女史明大義事翁姑克盡孝敬伯期嗜學而貧陸氏佐以女工康熙乙卯十月二十一日山賊

梁京玉劫掠男婦千餘陸氏被執厲聲罵曰賊奴可速殺我賊強掖之以行陸罵不絕口賊殺之康熙四十八年旌郝通志

庠生陳天章妻李氏天章應歲試死於途櫬歸李一慟而終

時年二十二

大清一統志

康熙四十八年旌之

郝通志

陸氏有弟陸公聲女許字葉標年將婚而標亡陸欲奔喪阻於母絕食七日不死乃自經合葬於留村後山事聞有司旌之曰矢志完貞又曰閨閣流香紳士多爲詩文以弔康熙四

十八年旌

吳志

梁足仁妻黃氏年二十四而夫卒勞瘁撫孤勤於孝養康熙

四十八年旌

郝通志

陳接聖妻張氏未嫁守志立猶子爲後歷三十餘年康熙五

十八年旌

吳志

梁翹選妻張氏雍正元年旌建坊

阮通志

梁熙度妻張氏夫故守節事繼姑恭謹有加教幼子必以禮

雍正五年旌

郝通志

鄭榮沾妻陳氏年二十五夫死勤撫二子紡績終其身雍正

五年旌

鍾興孝妻蔡氏夫亡奉侍舅姑拮据撫子孀居四十年雍正

五年旌

梁乃正妻羅氏年二十五而孀能盡孝慈雍正六年旌

郝通志

李德之妻沈氏夫亡事舅姑盡婦道課子成名雍正七年旌

同上

杜元漸聘妻李氏未嫁元漸殤守貞母家越數歲元漸兄

郝通

志府志

元聲又死其妻譚氏既有子矣請於翁姑迎李同守

俱作弟

卷十九

列女

全四

屋屋戶志
稱一門雙節大清一統志雍正十年俱題旌建坊縣志

黃燦斗妻陸氏雍正十年旌阮通志

蕭俊昇妻黃氏

符應枚妻鍾氏俱雍正十三年旌

武生黃志尙妻李氏乾隆元年旌

鍾漢章妻劉氏

生員慕容琦妻劉氏

蘇泰吉妻梁氏

冼秀林妻黃氏

難蔭守備周朝爽阮通志作爽妻張氏以上俱乾隆二年旌

謝瑛妻陳氏

梁京輔妻黃氏

羅贊公妻陳氏

謝

司冊作羅

吉華妻梁氏

儒童陳蘭清妻謝氏以上俱乾隆三年旌

吳鼎千妻梁氏年二十夫故孀守五十餘年

黎耀芳妻黃氏俱乾隆七年旌

吳希虞妻陳氏年二十夫故孀守四十餘年

李宜藩妻譚氏子歸三載生一子夫喪氏矢志靡他守節數十年後其子游泮亦節孝之一報也

伍應基妻黃氏

黃拔賢妻何氏

營兵陳德昌妻邱氏

陳鹿鳴妻陸氏以上俱乾隆八年旌

肇慶府志

卷十九

列女

全五

林斐聖聘妻黃氏國桂女未婚而夫死矢志不嫁事父母以終

陳丕展妻周氏

梁振雄妻何氏俱乾隆九年旌

把總吳永懋妻王氏年十八于歸二十七夫故屢欲捐生念六旬翁姑在堂兩歲遺孤在抱忍死奉養十年題旌八祀節孝祠子紹燦監生

李肇邦妻陳氏

謝能也妻植氏

生員梁廷錫妻宋氏以上乾隆十一年旌

貞女黃氏乾隆十二年旌

廖文洪妻蘇氏乾隆十四年旌

葉際傳妻陸氏乾隆十六年旌

儒童夏鏞妻李氏乾隆十七年旌

杜秋貴聘妻吳氏尙未于歸聞夫故而奔喪守志乾隆十九年旌

彭楷妻陳氏乾隆二十七年旌

朱至德聘妻黃氏乾隆三十三年旌

倫達泰妻秦氏乾隆三十五年旌

梁永材妻陳氏乾隆三十八年旌

生員周士夔妻李氏乾隆五十三年旌

監生陳上材妻鄧氏

陳上寬聘妻何氏以上俱乾隆五十七年旌

余貞女高要人父麟祥自幼教之讀孝經列女傳能通大義

年十四許字都司武英之長子應陞逾年英遣應陞入都
迎其母就養官署將抵肇慶而應陞沒於舟女聞之大哭欲
至夫家守節母再三勸慰終不能奪遂奔喪執子婦禮英母
念長孫遽亡不勝痛悼喜聽人說古書女乃朗誦列女傳以
悅其志未幾英母卒於增城官舍女哀毀骨立乾隆五十四
年女侍翁姑至饒平之黃岡手抱夫主隨行觀者爲之歎息
至署中茹素日唱佛號常曰吾所以忍死者以小叔保陞年
少不能奉堂上耳今已長成可從夫子於地下矣自是足不
履地絕粒而死乾隆五十七年有司以其事上請得旨旌
表一時間人多作詩稱道之編爲一集歐陽新貞
女行狀

李振奇妻程氏嘉慶五年旌

俱同上

烈女金杏譚家婢也以調戲不從羞忿自盡嘉慶六年事聞

旌之司冊

李顯司冊明聘妻何氏嘉慶二十年旌阮通志

葉德裕妻劉氏年二十三守節嘉慶二十三年旌之

陳應聯妻何氏嘉慶二十三年旌

龔浦霖妻胡氏嘉慶二十五年旌

俞鳴鳳妻鄭氏道光元年旌俱同上

譚秉智聘妻黃普憲女未嫁秉智卒黃聞誓爲守節譚迎之

歸隨行一婢一犬值昏暮前有光照道人皆異之既歸爲夫

立後孀守五十餘年里人稱爲譚節婦有女孫四歲失父無

兄弟性純孝母鍾病痿禱於天請以身代自刲左臂肉熟而

進母病遂瘳後歸於劉卒年七十四子翎舉人採訪冊

梁瀚妻楊氏瀚居父喪遭疾幾殞楊念姑老夫弟幼夫死必

胥殆刲股調藥進之愈越三日氏以瘡潰死里人稱爲孝婦
黃宇佳妻李氏夫卒痛哭欲投水家人掖之不得前以頭觸
地絕而後蘇至夜飲酖而死宇佳猶未殯也家人合葬之
王千總妾某氏千總始爲兵期滿將赴考貧甚不能治戎裝
愁絕欲死與妾籌畫計無所出至夜半妾忽曰計窮矣有一
策可得金請勿慮亟叩之泣曰此非君蓄妾時也苟鬻妾則
事諸矣不然坐視老母妻子啼飢耳王以爲不可妾求去益
堅不得已乃鬻於豪家得五十金考授把總後陞千總方妾
之適豪家也賀者轟飲於堂忽家人奔告曰氏入房閉戶久
叩不開推窗視之已懸於梁上矣王聞之大哭乞其喪歸葬
耐祭於家祠

馮氏惠州人提標後營外委周尙蒙之妻也乾隆末年貴州

苗民不靖吉制軍提師往西龍堵禦尙蒙名隸尺籍沒於軍營未幾生遺腹子燧氏茹食荼蘼撫燧成立依其弟水師千總馮德進於廣州積針帶餘資爲燧膏火之費後其弟罷官挈子還高要時燧已八泮雖有教讀脩脯不敷薪水氏爲女工以佐之自早至夜分乃寢道光壬午鄉試燧中式第一名舉人皆以爲苦節之報云

俱同上

兵丁林萬榮妻郭氏姑老病郭割左股肉以進病旋瘳郭隱不言鄰婦見其癍痕詢之始傳其事

吳志

歲貢何昌妾梁氏家附城埔年二十二自乾隆五十九年守節現年五十七歲

生員何湘妻梁氏十八歲歸二十二歲寡守節三十年現年五十二歲

李滄良妻羅氏十八歲歸二十七歲寡守節三十二年現年五十九歲

陳效滄妻伍氏十九歲歸二十七歲寡守節三十五年現年六十二歲

俱採訪冊

石高要縣

生員龔瑾妻李氏年二十二歸二十五夫故氏矢志冰霜孝

事翁姑擇立繼子守節二十七年乾隆三年旌

吳志

李湛之妻劉氏年二十一歸二十七寡以孝事白髮姑以義

訓遺腹子年八十一卒乾隆三年旌子大任監生

生員李璣妻劉氏年十六歸二十二夫故產一子甫二歲氏

事翁姑克全孝道撫孤稚訓迪有方守節三十七年乾隆五

年旌

陳承

府志作成

科妻周氏年二十于歸二十四夫故氏事老姑撫

幼孤克全婦節孀守四十二年乾隆五年旌

彭廷瑀妻林氏年二十二歸二十四夫故氏矢志柏舟立繼

承祀事奉翁姑克全節孝孀守四十二年乾隆五年旌

林瑞妻梁氏乾隆七年旌

溫振標妻黃氏年二十于歸二十八夫故氏事奉翁姑育成

兒女艱苦備嘗守節二十一年乾隆八年旌

李邦彥妻簡氏年二十歸生子甫七月夫卒氏養老撫孤孀

守五十餘年人無間言乾隆十三年請旌

俱同上

鍾宏勝妻余烈婦以強姦不污羞忿自縊嘉慶六年旌

冊檔

烈婦劉梁氏以強姦不從被殺嘉慶十八年請旌之

同上

羅昌妻黃氏年十八歸昌甫五載昌卒遺一子氏矢死靡他

家貧紡績孝事舅姑舅姑繼亡力盡喪禮撫孤完娶備歷艱

幸始終無間閭里稱之嘉慶二十五年旌縣志

李能莊妻陳氏二十二歲歸二十四歲寡守節三十五年現

年五十九歲採訪冊

右四會縣

生員梁阮通志象震妻余氏避亂寓居大穩村山賊焚劫氏

被擄不辱投池水死大清一統志祀節孝祠吳志

陳仲勳妻趙氏年二十一孀居二子方在襁褓家貧紡績營

葬翁姑教二子成立康熙二十六年請旌同上

黎雲瞻妻潘氏生員祖善之母雲瞻三十而亡氏年二十七

吳逆之亂產業盡廢家無立錫老姑在堂子女襁褓氏紡績

謀食先飽姑嫜次茹二子至已身忍飢而已姑至九十而終

潘脫簪珥殮葬守節六十餘年壽九十二 恩榮頒賜

吳志

甘嗣聖妻葉氏生明萬厯三十四年二十一歲適廿五載夫死子清漣甫三歲家貧氏紡績度活孝事翁姑教子成名壽八十七親見曾孫多列膠庠人以爲苦節之報

縣志

陳子達妻梁氏十九于歸二十五歲夫亡矢志奉養翁姑守節四十餘年子三人俱成立孫朝佐庠生雍正二年舉報節孝

同上

陳俊賓妻葉氏歸五載生一女俊賓病故氏欲相從地下絕而復甦者二妯娌曲爲勸解勉強治喪哀毀骨立奉事老翁葬祭盡禮雍正四年建坊祀節孝祠

吳志

顧天眷

補志作天眷

妻葉氏貢生廣祚女年十八歸三載生子兆

校未晬周而夫故葉苦守事姑家瀕江常遭水患姑在舍子

衛姑姑沒舍身衛樞日勤紡績供課子脩脯兆稜遂爲名諸
生未壯又卒乃與子婦吳氏共矢柏舟雍正五年旌祀于節

孝祠

同上

顧兆稜妻黎氏監生士宏之母年十九適顧嫻婦道遇姑疾
病湯藥親嘗日夜不離祈天願以身代歸六載夫亡矢志苦
守督課遺孤雍正五年建坊旌祀于節孝祠

郝通志

廩生蘇緒妻潘氏年二十四夫故事翁姑盡孝撫孤成立青
年守節白首完貞雍正五年建坊旌祀節孝祠

同上

葉于岸妻甘氏生員斌光之母二十于歸二十七夫故時姑
患癰疽衣不解帶者三年禱天地祖宗願以身代翁姑沒鬻
產殮葬紡績自給教子力學得早游庠序歲飢嘗推已食食
人雍正五年建坊旌祀節孝祠

吳志

監生王履元妻陳氏歸十一載履病故苦志守節孝事翁姑

教子成立雍正五年旌祀節孝祠

郝通志

梁以虞妻顧氏年二十二夫故子甫三歲矢志守貞足跡不越戶庭事翁姑以禮脫簪珥營葬勤女工以課子雍正六年

建坊旌祀節孝祠

同上

生員李賡

通志作慶

妻簡氏年二十夫死絕粒將以身殉以二孤

幼復進食有勸之再適者哭泣唾詈之子長成能自立雍正

九年旌祀節孝祠

吳志

蘇氏焯妻歐氏年二十適夫事姑以禮六載生一子而夫亡撫孤守節孝行聿昭雍正十年旌祀節孝祠

貞女簡氏午村簡秀聰女字同里葉楚賢子光曾未娶而光曾卒於外氏年十八聞訃投繯父覺止之氏曰得歸則止父

諾而歸之光曾櫬至氏一慟而絕良久乃甦曰吾聞夫命矣以婦代子遂起事舅姑至敬盡禮舅卒姑老且病氏調飲食謹扶持衣不解帶者四十年及姑卒氏曰吾可以報吾夫矣亟爲嗣子畢婚以病終初氏奩田八十石悉付伯氏未幾伯氏還之簡曰舉家貧忍獨富耶請均之受四之一其娣潘氏顯曾妻年二十五守節簡憐之同飲食共操作相依爲命雍正十年建坊旌乾隆十九年祀節孝祠

庠生歐大猷妻馮氏歸不半載而夫故馮矢志守貞紡績度日孝養翁姑克盡婦道數月遺腹生子廷賓鞠育長成娶媳梁氏甫八載而子又亡姑媳相依一門雙節鄉鄰聞風起敬

乾隆二年旌

俱同上

歐柁妻黎氏年二十歸歐生子日烜而寡氏時二十三歲欲

相從地下念翁姑在堂藐孤在抱拮据承歡艱辛教子曰烜
婚葉氏旋又淪亡葉復從姑苦守遠近共推一門雙節乾隆

二十六年旌建坊

縣志

生員陳朝章妻劉氏年十七于歸越三年而夫故生子甫三

月劉矢志靡他孝養姑嫜乾隆二十一年旌

吳志

余剛妻陳氏于歸半載夫亡守節乾隆四十七年旌

縣志

秦瓏妻彭氏于歸二載夫亡守節乾隆五十二年旌

葉崧聘妻梁氏庠生梁坦女年十八聞訃奔喪撫夫棺以死
誓不理髮不整衣者三年孝事翁姑苦守四十餘年乾隆五
十三年旌

陳達敬妻劉氏年十八于歸二十四孀守自飫糟糠承歡菽
水翁姑交稱其賢子三俱成立守節四十餘年乾隆五十四

年旌

廩生葉作哲妻伍氏二十于歸二十九守節家貧守義經兩學詳報請旌

陳江妻葉氏楚賢女年二十二夫死無子家貧甚氏孝事舅姑喪葬盡禮以伯沃次子爲嗣教養成立苦節數十年

潘朝懌妻陳氏監生峻次女年十七適潘二載夫亡母欲奪其志誓不可易越七年承翁姑命取夫兄子宗舍爲嗣舍又早故同未婚媳葉氏共矢柏舟苦節四十三年

郡庠潘宗舍聘妻葉氏吏員重光女舍少孤方議娶未婚前十日故氏聞訃奔喪執婦禮奉孀姑陳氏惟謹越十年遵祖姑命取夫兄宗岐子鍊爲嗣苦節數十年

葉宜萬妻姚氏年十七適葉家貧氏紡績度日夫病竭力服

侍夫故苦守越一年姑卒拮据營葬每得米奉翁飽飯以及
二子氏常數日不食汲水眼花昏跌井欄鄉隣灌以粥復生
鄰婦送米弗受母聞苦勸改嫁氏截食指自誓其嫂莫氏寡
居聞之急至相抱對泣矢同守節聞者憐之二子幸成立
貢生顧旦妻伍氏年十七適旦二十四夫亡奉事舅姑撫子
荆剡魯剡甫成立相繼淪亡同魯媳苦守一門雙節氏年七
十一而終

顧魯剡妻梁氏于歸七載夫亡二子湛浩尙在襁褓孀姑寡
媳共相鞠育上有九旬祖姑氏體姑志而曲事之祖姑卒姑
痛無嫡子主喪氏命長子湛承嗣夫兄荆剡爲承重曾孫以
慰姑志事姑尤盡孝道云

生員顧榮妻馮氏十九歸榮六載夫死矢志孝事翁姑教子

翫壁成立娶媳潘氏壁隨亡生二子尙襁褓煢煢苦守姑賴
媳以保餘年媳奉姑以代子職一門雙節聞者憐之

生員葉振翰妻馮氏年十九于歸二十六歲夫故姑憐其子
幼微諭改適氏矢死靡他又恐傷姑志曲意承歡姑多病親
嘗湯藥左右不離姑歿哀痛幾致失明教子義方亦勵學不
倦

生員馮其昌妻葉氏年十八于歸二十六夫故家貧氏勤紡
績孝事翁姑尤孝事祖姑生養葬祭備極誠敬立姪獎爲嗣
名列成均孫建圖龍圖弱冠游庠守節五十二年終七十八
歲

葉五全妻馮氏年十九于歸二十八夫故氏孝事老姑撫育
四子食貧七十八載苦節五十一年

劉和鳴妻麥氏年十九于歸二十三夫故氏紡績度日孝養翁姑教子成立苦節五十餘年

顧士臯妻梁氏年十八于歸事翁姑惟謹越六載夫亡苦守二子不意相繼淪亡血淚交迸扼窮堪憫守節四十餘年

黎孔生妻梁氏年十九于歸越六載夫亡家貧甚氏勤紡績以養舅姑自常餽粥不給教兩孤幸成立守節五十載

梁璣勇妻楊氏貢生起烘女年二十于歸生一子二十八歲夫亡家極貧氏竭力以供老姑甘旨姑歿罄所有爲營窀穸子幸成立守節數十年

梁可宇妻甘氏年二十二于歸孝事翁姑二十八歲夫亡二子俱幼苦守三十餘年

監生顧循妻黎氏年十八于歸七載夫故翁姑垂白二子襁

星房月一
二
祿氏苦力孝養教子成名長瑤登庠序

生員甘錦雯妻黃氏年二十于歸八載夫亡竭力奉事舅姑
葬祭盡禮教二子成立守節六十餘年

潘守愉妻顧氏年二十六夫故氏苦力以養舅姑子坦國學
生

黎逢浩妻簡氏年二十四夫故氏孝事翁姑守節數十年

監生黎愈彰妻陸氏年十九于歸彰讀書有疾氏奉侍湯藥
數載不倦二十八歲夫故痛不欲生姑老子幼竭誠事育嗣
值草竊劫掠氏負姑攜兒逃避深山艱險備嘗姑得安全兒
亦無恙守節數十年長子奇彥監生次子安邦庠生

庠生陳以珍妻馮氏年十九于歸二十三生子文偉不一載
而夫故氏矢志茹苦脫簪珥以延師教子成立守節六十餘

年享壽八十七歲孫士俊衛千總

庠生董洪妻趙氏年十八于歸生子三人二十四歲夫故孝養翁姑撫育幼稚守節六十餘年

甘元俊妻梁氏二十二歲適甘二十五夫故氏苦守孝養翁姑教子甘泰成立七十一歲卒

廖士登妻梁氏二十歲歸廖不四月而夫故老姑衰年多病氏竭力承歡數十年如一日立姪繼嗣教訓成人

梁曰敬妻李氏二十一歲歸梁二十六夫故無子氏甘貧守節孝事翁姑立繼以承夫後孀居四十餘年

梁超謨妻羅氏年二十于歸二十七夫故姑老子幼家無遺產氏苦力奉侍教子成立孀守六十餘年

梁世祉妻葉氏年十九歸梁二十二未嗣夫卒氏痛夫祖父

單傳三世矢志爲夫立後越七載始得堂姪拔爲嗣家無宿
春竭力教養苦守四十餘年

甘體乾妻陳氏年二十歸廿二十五而夫故苦志孝事舅姑
撫育二子守節數十年

葉順子妻吳氏年十八于歸六載夫故氏苦志守節孝養老
姑勤儉成家卒年七十三

監生顧天濬妻張氏年二十于歸八載夫亡氏以奉養舅姑
撫育孤兒爲己任翁姑卒葬祭盡禮性好施與子國學生兆
熊捐稅六十餘畝助甘棠義塾膏立中黃村七百墳碑以
慰無祀幽魂皆氏教也孫曾多人長孫士舉邑庠生氏享壽
八十有餘

梁天怕妻甘氏年十八于歸二十五夫亡氏矢志守節孝事

翁姑撫三子俱成立壽八十二終

陳殿枋妻李氏澄邁訓導震華之女年二十二適陳生子昱齊越四載夫亡家貧氏紡績以養舅姑苦守四十餘年

葉翰侯妻簡氏監生遇知女年十八于歸二十生子珩未週夫亡家貧氏鬻奩治喪具孝事翁姑苦守數十年

梁次巢妻甘氏年十九歸梁二十五夫故孝事翁姑守節數十年

王之璋妻嚴氏監生越千女年十九適璋璋貧甚且病癆父及繼母在堂無以爲養氏鬻奩供菽水餘以延醫璋病少愈年二十七夫亡無子矢志靡他翁姑卒葬祭盡禮守節數十年

簡梧妻吳氏生員吳昂次女年二十四孀居子在心在中甫

鳳陽府志卷一
成立而連喪心遺婦顧氏及兩幼孫煢煢相對年五十九卒
監生簡在心妻顧氏澄邁訓導兆正次女年二十三夫故孀
姑在堂共持苦節子二玉贊玉龍以龍爲叔在中嗣教以敦
族睦鄰姑媳雙節賢孝並傳

甘元傑妻李氏年二十歸甘五載夫亡氏孝事翁姑遺腹子
殿連撫育成立守節四十餘年

監生陳源妻顧氏年十九于歸二十四夫死苦力奉侍老姑
子繼龍邑庠生

監生伍肇烘妻甘氏年二十三夫死遺腹生一女取房姪承
祀奉侍老姑喪葬盡禮守節四十餘年

趙佐妻伍氏年十九適趙二十四夫故氏孝事翁姑教子允
宜允誠名列生監守節四十八年

顧兆晃妻彭氏年二十于歸二十三夫故撫孤成立守節四十四年

陳燦光妻馮氏于歸五載生子二人夫死孝事翁姑守節四十八年子紹經紹俸俱登庠序

庠生嚴奇畧妻趙氏夫故子旋即病亡氏孝事翁姑立夫弟嚴立已之子良昂爲嗣將夫遺產分撥措置建宗祠設祭祀且供脩脯以教合族之人歲飢出粟賑恤親鄰守節數十年庠生潘大經妻嚴氏奇畧之女年二十歸經事舅姑惟謹越六載夫歿遺一女無子立姪爲後苦守四十餘年與其母稱雙節云

監生甘元定妻蘇氏邑庠憬女年十九于歸生二子二十七歲夫故姑在堂兼有庶姑俱老病氏奉侍湯藥暇始哺其子

復遇寇劫掠氏扶姑携子避幸得保全夫喪三年未嘗見齒
姑卒葬祭盡禮守節四十餘年子八泮

彭光祖妻顧氏年二十歸彭甫二載夫故無子守節四十餘
年

葉進九妻張氏年十九適葉五載夫亡奉養老姑生事死葬
俱以禮教二子成立守節四十餘年

張秉禮妻甘氏年十九適張敬奉老姑姑沒哀毀骨立夫痛
母一載相繼而亡惟一女無子苦守四十餘年

彭聖瑞妻 年十九于歸二十五夫逝家貧子幼連遭舅
姑喪拮据殯葬以禮教子奇觀早游庠序苦節五十餘年

尊禮妻馮氏二十三歲喪夫家貧甚姑老子幼氏潔澣承
歡九熊督訓苦節四十餘年

妻葉氏年十八于歸奉老姑先意承志二十二夫亡泣血三年哀毀骨立撫姪威如爲嗣苦守四十餘年

潘應妻梁氏年二十于歸夫邁危疾調護備至夫故勤紡績以供甘旨翁姑歿喪葬盡禮守節三十八年子運至庠生葉興基妻 氏年二十夫故遺孤九月家徒壁立氏孝養翁姑鞠育幼稚苦節五十餘年

增生伍肇區妻 氏年十九于歸二十二夫歿遺腹一子姑老且病盡力調護姑卒喪祭如禮苦守數十年子士塲廩生生員黎烈妻 氏年十八于歸二十二夫亡舅姑在堂子甫三歲屢勉晨昏恩勤顧復教子成立守節五十三年

生員王昌裔妻李氏年十八適王七載夫卒孝事舅姑義方教子守節數十年

嚴文元妻麥氏年十九于歸甫一載夫故遺腹生男氏孝事翁姑育子成立守節數十年

生員趙爵妻崔氏年十九歸趙二十九夫故子甫一歲姑蚤卒事姑以孝聞年踰八十子綱監生

莫英千妻趙氏十八歲于歸二十夫故家貧翁姑老生養死葬取給女紅苦節數十年

嚴達尊妻趙氏庠生元禮女年二十于歸甫三載夫亡家貧勤紡績以供菽水翁姑沒喪葬盡禮守節數十年

生員崔名岳妻馮氏年十九于歸六載夫亡氏孝養克順姑心教子萬年萬會咸游庠序孀守四十餘年

趙作賢妻麥氏年十九于歸四載夫亡阨窮苦節延師訓孤脫簪珥以供脩脯孀守四十餘年

監生劉一軻妻梁氏年二十于歸六載夫亡姑老子幼曲盡孝慈樂善好施親族貧苦者咸德其周濟守節四十餘年

蘇翼文妻葉氏年二十一于歸甫三載夫死家貧甚勤紡績以奉翁姑教二子俱游庠序守節四十餘年

簡迅達妻潘氏于歸未久夫死家貧舅姑年老奉事惟謹教子有成年七十餘卒

葉氏名增慶卒村葉龍英女嘉慶十七年增慶年十八母蘇氏病劇增慶焚香禱天割股奉母不數日而母竟死聞者哀之適同村簡繼興年二十三而歿

李景璉妻甘氏年十八于歸十九守節孝養翁姑爲夫立後孀居五十八年七十七終

何佐妻歐氏年二十于歸二十三歲守節儉積贖產教子七

十六歲終

何洪妻蘇氏年十九于歸年餘夫亡撫孤守義九十二歲終
何充閭妻歐氏年十九于歸二十二歲夫故矢志守義爲夫
立後六十九歲終

監生秦瑰妻李氏年十八于歸八載夫故子徹一庠生早亡
取姪孫莊爲後嗣七十五歲終

生員顧爾溫妻張氏年二十于歸三十夫故矢志守義事姑
盡孝八十四歲終

顧翰妻梁氏年十九于歸二十三歲夫故矢志守義八十一
歲終

甘承祐妻歐氏年十九于歸二十二歲夫故矢志守義勤于
紡績克盡婦道年六十三歲卒

顧洽妻甘氏年二十于歸二十六夫故貧苦守節七十三歲終

馮燦遠妻趙氏年十九于歸二十六夫故貧苦守義七十八歲終

馮紹典妻甘氏年十九于歸二十三夫故恪守貞德八十四歲終

生員馮性妻梁氏年十九于歸越八月夫故恪守清操八十三歲終

潘鍊妻陳氏年十九于歸二十一夫故其姑葉氏望門守貞氏以節孝繼子倣輅候補教官

張光乾妻林氏年十八于歸三載夫故貧苦守節七十三歲終里黨善之

陳管妻黎氏年二十于歸二十四歲守節七十五歲卒

蘇翼祖妻陳氏年二十于歸九年夫故矢志守貞六十五歲卒

蘇潤太妻李氏年二十于歸二十一歲守節五十歲而卒

甘棠妻梁氏年十九于歸五載夫故時遺腹將產未卜是男先擇秉岸爲後以慰姑心後二十五日生男名琨望與秉岸平分家產

李時發妻歐氏未婚夫故望門守貞夫家貧甚氏帶奩田歸奉夫祀

陳錫琨妻顧氏年十八于歸二十二歲守節四十三歲終守備彭浩妻趙氏年二十于歸二十八歲夫故任所氏傾產扶櫬歸里仰事俯畜惟謹年六十五歲終

甘上登妻賴氏歸九年而夫故家徒壁立二子早亡孝事孀姑七十三歲內外無間言

梁世初妻顧氏二十于歸二十二歲守節七十一歲終

葉佐千妻梁氏十八于歸二十一歲守節六十歲終

麥獻宇妻簡氏十六于歸十九歲守節撫育三子成立九十
六歲終

梁志海妻蘇氏二十于歸九載夫故貧苦守節年六十五歲

梁博瞻妻陳氏二十于歸四載夫故貧苦守節年六十一歲

葉樹藩妻梁氏二十于歸二十九夫故其姑李氏亦二十二

歲孀居姑媳相厲矢死靡他年六十三歲

訓導陳王業媳陳筠妻十九于歸七年育一子而夫故氏守
節秉禮內外無間年五十八歲

陳鳳朝妻莫氏十九于歸二十二歲守節年五十七歲

伍嘉秀妻鄭氏二十于歸卽寡外家欲奪其志氏指天自誓

紡績度日七十三歲終

俱同上

陳焯繼妻蘇氏新興鳳翔里人年二十五焯卒遺一子蘇忍
哀撫之越數年子復天家貧歲入不足餬口蘇紡績以佐養
殮室中懸一觀音小像女工外卽閉戶焚香寂坐遂斷葷卒
年四十有八

采訪冊

陳在泰聘妻潘氏年及笄泰卒潘請赴喪父母弗許潘曰兒
生爲陳氏八死爲陳氏鬼父母不能強乃送歸陳成婦服數
十年足不踰閭取夫從弟子鍾瑞爲後氏今年已七十白髮
蒼顏含飴弄孫矣

生員陳作梁妻劉氏舉人德欽之姊年二十七作梁卒劉育

二子成立長子熾娶婦葉氏葉年二十二熾卒葉孀守四十餘年劉氏事識大體卒能教子成家葉氏謹愿家事聽夫弟所爲終姑之世不分產以夫弟子元勳爲嗣今邑庠生

俱同上

右新興縣

謝榮妻李氏其華之女年十七歸謝僅二載爲寇所掠李引刀自刎未死賊奪其刀嚼血吐罵賊乃殺之

大清一統志

祀節孝

祠

阮通志

庠生劉家塘妻黃氏生員守琨女十七歸塘塘善病而衰翁又以痼病偃蹇氏兩侍湯藥寒暑無間夫死幾不欲生念長兒鉉甫離襁褓腹有遺孕勉強苦延未幾產次子鑰後俱以明經國學著康熙五十二年旌

馮羣馮秀生女年二十爲嚴宜信所辱女忿激投池自盡身

不受汚雍正十一年旌建坊置嚴于法

吳志

嚴璉妻容氏年二十九夫故翁姑在堂藐孤在膝氏備盡孝慈既而孤子又卒祇生一孫容暨寡媳教育辛勤俾其孫顯成立有聲庠序乾隆十七年旌

黃中和聘妻謝氏監生待聘女年十八聞夫沒徒步過門屏膏沐勤紡績以養老姑以夫兄敬章子天沛爲嗣貞守三十載乾隆戊寅年旌以上俱祀節孝祠

李尙修妻林氏年二十三夫故遺一孤既授室皆亡氏撫育三孫教養婚配拮据成之其苦節猶足風世云

何振廣妻嚴氏夫叔何子瑞醉後欲汚之堅拒不從子瑞殺之嘉慶十八年旌

周奇妻陳氏年十九于田操作無賴子鄧成欲拉姦之陳呼

號成掩其口陳疇成指成搯其吭遂死嘉慶十九年旌俱同上

貞女黎氏永成女庠生維賢妹幼許婚於邑庠梁以錦長男

汝高未歸高故氏聞訃水漿不入幾死者再轉念有舅姑在

苦節自矢堅守十餘年姑死奔喪越年翁繼亡喪葬盡禮常

設夫位於房晨夕相對足不窺戶歷數十年如一日吳志祀節

孝

縣志

劉裔燐妻黃氏黃守珩女十九孀守歷四十餘年冰清玉潔

人無間言值時事滄桑子家逃竄而撫孤兒持家業保全無

恙子家球庠生壽六十有七吳志

貢生劉宗衍妻謝方端字小樓解元知府仲坑女歸劉生子

世馨衍置妾亦舉一子甫三歲而宗衍亡謝鞠育恩勤夜紡

績篝燈課之讀長遂成立世馨由優貢任陸豐訓導次子世

穆武庠謝幼從父宦遊通鑑史工韻語所著小樓詩草二卷
李學使調元序以行世時有梁文嫻者士琮女楊始然妻也
少嫻內則習禮明詩兼精星學嘗與謝方端同學三載其詩
名亦亞於謝云

縣志

李楫妻韋氏觀光女楫未娶病篤議退婚韋不可歸李甫十
七日而楫卒時韋年十八矢志靡他爲夫立後繼子又夭與
寡媳梁共撫稚孫備嘗艱苦卒年九十三

李魁傳妻梁氏年二十四夫故一子旋殤梁矢志靡他姑老
年得痿痺疾梁侍湯藥扶掖臥起不離左右繼子家珍娶翁
氏年二十六而嫁珍卒翁亦以梁之事姑者事梁一門節孝
人無間言梁年六十一沐浴端坐而逝翁年七十有二子才
超國學生才焯武庠生

郡庠李文烺妻謝氏廩生翔鳳女翔鳳病篤女憶侍父讀時聞有刲股療親者因割左臂肉啖之父覺不忍食既嫁善事舅姑相夫訓子人稱賢孝

周廣奇妻李氏父淮疾革割臂肉以進竟不起號泣幾絕云林均和妻譚氏家貧夫沒刈草於山有柯亞滿者強行侵侮譚力禦被害事聞有司請建坊旌之

廩生柯上育妻梁氏早孀子生未辟翁暮齒病癱梁氏侍湯藥三年無間子廩生鴻儒娶陳氏年二十七而寡梁以哭子故瀕死者再陳忍慟多方寬慰之姑婦相依撫孤成立

劉宗溥妻黃氏宣憲女年十八聞宗溥殤泣不下閤父使人廉之已易縞素知不可奪歸諸劉茹痛事孀姑敬承寢膳病則衣不解帶如是者十年乃卒

黎雲錦妻張氏年十六于歸二十二夫故煢煢子立安貧紡績易米而炊克全婦節

梁門雙節梁鉅妻莫氏字霖女年十八于歸生子甫四齡而夫死孝養老姑力營殯葬訓子補諸生旋夭遺孫七歲偕孀媳撫之境彌艱節彌著焉

儒童黃啟正妻劉氏家琰女年十七于歸甫一載夫死氏擇立嗣以安窀穸嗣舅姑繼逝殯葬盡禮苦守數十年

黃積符妻楊氏擬捷女年十七于歸二十而夫卒家徒壁立白首完貞

黃儒清妻吳氏庠生聚吉女年二十夫故撫嫡姪爲嗣孀居數十年

林士登妻陳氏年十五于歸十六一乳生二男十八而夫歿

氏日事孀姑撫幼子菽水無虧和熊有法子文忠文恕甫冠聯鑣庠序人稱苦節之報

黃守璣妻吳氏庠生志尙女年十九夫故孤生僅兩月上有孀姑時鄉寇刦掠吳奉姑與子播遷經營孝養勤儉致裕嘗教子曰貧而能約富而能濟古之道也後子純武遊庠善體母志捐金賑饑代窮乏者償夫役之費邑令朱以惠及桑梓表其閭

鄭名鑑妻黃氏庠生銓恭女年十七于歸舅姑尋沒逾年夫殞氏營三喪身有遺孕越四月產一子含涕茹苦孀守數十年

蔣宗彪妻黎氏年十五于歸十九夫歿家貧無子事姑曲盡婦道孀居數十年

明經楊林妻梁氏庠生薦女年十八于歸二十九夫故善持家言不出梱訓二子並以文學著

庠生梁鉉妻莫氏茂才君偉女歸四年夫沒遺孤二齡舅姑垂暮氏曲盡孝慈孀守數十年

劉雲澤妻賴氏年二十三夫故孝事舅姑撫育遺息甘貧力苦孀守以終

柯大益妻梁氏庠生恒昇女二十于歸未幾夫卒止遺一女以猶子承祧苦守四十餘年

李鼎鵠妻謝氏年二十一于歸生一子越三年夫故孝養舅姑苦節數十年

陳銘璞妻區氏年二十于歸二十六夫故家極貧氏日勤女紅以事舅姑撫幼子後其子家道有成殆苦節所致云

謝思毅妻蘇氏陽江貢生翰侯長女年二十于歸四載夫故
家貧氏屏鉛華業針黹以事舅姑子進年十七補邑諸生旋
得癰疾蘇竭力醫調拮据數十年是苦節而孝慈兼盡者
梁廷鏐妻黃氏生員成玉女年二十六夫故遺腹生子英江
舅姑繼歿夫弟廷錫始生五月氏喪葬如禮未幾子夭念錫
在梁宗不絕如綫乃忍死辛勤教養俾至於成人苦節數十
年

曾位妻謝氏廩生煥若女年十七適位位以赴試卒于郡城
家貧翁老竭力以供菽水年六十戚黨未嘗一見其面子尙
琛登府庠

庠生莫介人妻梁氏明經燿女吏部應材孫女于歸四年而
夫故孤幼多病五歲不能行氏上事舅姑下訓弱子勞苦備

嘗壽八十九

東安教諭呂允升妻陳氏夫卒於任無子陳矢志爲夫立繼孫永光舉人

生員揭友瑛妻汪氏茂才演念女年十八于歸甫一載夫故孝養舅姑立夫兄友琮子爲嗣教之成立孀守數十年

陳瑞志妻李氏廷佐女年十六于歸生一子十九歲夫卒未幾夫兄瑞志又故氏日事女紅足不踰閭子開五庠生

監生馮達元妻陳氏翰英次女年十九于歸二十三夫故孝事翁姑慈育繼子清操克完白首無玷

庠生龍光妻張氏年二十二夫故子方襁褓家極貧孝事翁姑撫孤成立孀守以壽終

李石麟妻劉氏照磨世桂女年二十二無子而寡家貧氏矢

志靡他夫弟經邦止一子而石麟嗣不容廢因以承兩家宗祧焉

李學仁妻何氏二十六歲孀守至年九十有六猶日事女紅房族子姪亦不輕見一堂五代子孫曾元二十餘人人以爲苦節之報云

黃章漢妻張氏年十八于歸未幾夫歿無子氏痛不欲生復念祖姑及翁姑在堂小叔一小姑三俱未成立毅然以養老撫幼爲己任其後三喪及姑叔婚嫁悉氏典奩拮据營辦孝而知義人尤以爲難

監生黃千幹妻謝氏二十一夫故無子取猶子其榮入繼訓之成立年八十三卒於其子成都督捕分府署

劉宗深妻吳氏上榕女年二十三孀守卒年八十有三人無

間言

吳國賢妻黃氏亨聲女年二十于歸越三年夫卒矢志撫孤敬供婦職孀守六十載

庠生黃秉揚繼妻李氏二十于歸二十五夫故守志五十餘年卒年八十二子其勤附貢生

陳達才妻張氏二十六夫故矢志撫孤後其子及婦相繼亡乃取姪孫瑞鱣嗣其子辛勤教養比長厠武庠

閑惠斯妻嚴氏邑庠品才女年二十四夫沒撫遺腹養孀姑慈孝兼至

王成珍妻黃氏年二十四夫故家貧嗣子又不育氏孝養舅姑苦節五十餘年

王慶元妻袁氏世坑女年二十三于歸二十五夫故事舅姑

撫嗣子饑寒備歷志節益堅

楊作梓妻朱氏年二十六夫故無子孝事翁姑孀守五十餘年

陳如琨妻韓氏年二十八夫卒無子孀守四十餘年

謝錦文妻李氏年二十三夫故藐孤甫三齡逾月復舉一遺腹子家貧甚氏蓬首垢面養老姑撫稚子姑年八十猶執婦道惟謹焉

謝能擇妻劉氏二十八夫故無子孀守數十年

鄧世昌妻李氏年二十夫故事翁姑撫遺息日勤紡績以供衣食

袁紹錄妻邱氏會中女年十九于歸生二子二十四夫卒撫孤孀守事翁姑盡孝苦節五十餘年子昌清邑庠生

吳昭純妻楊氏年二十五夫卒家貧無子敬事翁姑矢志不渝

王定傳妻劉氏年十七于歸生二子而夫故舅姑老氏孝慈交至子成震成校俱以入貲注名仕籍

貢生王成震妻劉氏年二十九夫故屏簪珥不爲容翁姑年登九表氏克謹保護遠近以孝聞

增生劉宗漸妻易氏象新女年十九于歸越十載夫故遺腹一子氏劬勞鞠育年七十三卒孫士顯庠生

林宜漢妻韋氏年二十七夫故矢志柏舟養姑四十年咸稱節孝

黃于站妻劉氏年十九夫死兩夫弟方幼氏教養之俾克成立復以所得祖屋分金買租八石爲祖翁姑墓田餘爲埋葬

墳墓費是殆節孝兼全明于大義者

蕭華清妻劉氏年二十四夫故孀守四十餘年

蕭煥然妻黃氏年二十八食貧守節閨門克謹聞者敬之俱上

柯光浩妻梁氏陽春蟠龍鄉人年十九適柯三歲姑卒逾年
光浩病將不起以父老二弟穉襁褓兒可慮語婦婦泣曰宗
祧在君門戶所不敢知然事翁撫弟責在妾君無慮焉夫目
遂瞑婦慟且絕以夫言仰而止自是毀容貌事女紅中宵不
得息併甘旨撫兩弟寒暄飲食節宣調劑比稚以立既翁老
恒病腹醫曰馬蟻血可治時冬寒閉蟄蟲不可得婦多方求
之得一瘡而無血婦養之盆水以臂受嚙積數日蟲大如指
飲血而翁愈歷二十年翁卒婦經紀備至旋相繼沒年五十

星房月二

有五

林召棠
嘉慶二十四年旌
志

袁昌建妻藍氏年二十于歸五載夫故養老撫孤始終一節

吳昌儀再繼妻馮氏年二十七夫卒事姑教子孀守以終

鄭權卿妻林氏年二十六矢志孀守家貧子幼艱苦備嘗而

貞操愈勵

張文佳妻鄧氏十九于歸越八年生三子夫卒氏力女紅以

給衣食敬翁姑和妯娌內外無間言

曾宏鴻妻馮氏年二十一夫故家貧敬事翁姑撫立繼嗣苦

守四十餘年

周士吉妻顏氏年十九于歸七載夫亡與夫弟婦譚孀守事

姑諧和謹於閭範

陳正元妻鄧氏年二十二夫故事姑撫媳孀守數十年

劉淙樂妻張氏文鉅女年十九于歸二十八夫卒苦節三十三年

張朝岑妻劉氏世櫛女夫歿含殮畢卽書夫姓名與其氏並爲木主示無他志遺孤甫四月至五歲而殤苦守四十餘年王定集妻謝氏九歲爲養媳於王比成婚而定集卒氏年僅二十矢志不渝後家業日豐子孫蕃盛五代同堂子成愈捐職千總

黃于楠妻李氏年二十四夫沒孀居鞠子閨門肅然

李果妻黎氏年二十七夫故事老翁撫繼子各盡其道苦守數十年

龍湧洛妻黎氏年十八于歸踰年舉一子而夫卒事親育子甘荼如薺

藍達綱妻黃氏年二十六生子未晬而孤家貧事姑鞠子拮据特甚及子長有室復夭亡孀媳孤孫淒其相對節歷苦而益堅

庠生黃天可妻藍氏年十九于歸二十五夫故苦守數十年庠生吳茲文妻劉氏宗滂女年二十夫卒無子孀守數十年黃修獻繼妻劉氏年二十五夫沒孀守四十餘年子載文庠生

黃于廷妻王氏年二十于歸甫三月夫故孝事翁姑苦守數十年

黃于北妻劉氏十八于歸二十二孀守事翁姑以孝聞謝榮昌妻岑氏二十一而夫亡甘旨以奉姑餽粥以育子苦節數十年

龍會雨妻陳氏年二十五夫故翁姑相繼逝氏孤苦無依矢志鞠子以沒齒焉

梁柏妻嚴氏年二十八夫故孀守三十餘年

黃紹平妻吳氏年二十五夫故矢志孀守迄今孫枝繞膝焉
呂端惠妻容氏十八于歸二十八夫故遺孤二孀守數十年
張作暉妻楊氏二十四夫故無子孀守三十餘年

張祖琛妻李氏年二十一于歸二載夫故無子家貧事老翁撫幼叔俱能以禮

林自儒妻梁氏年二十九有二子而夫卒未幾舅姑繼亡氏撫兩幼叔及二孤成立孀守數十年

賴文元妻吳氏年二十二夫故子士昌甫二歲家貧甚日夜紡績供薪水及翁姑卒殯葬以禮士昌又不永年乃撫孫成

立聞者憐而敬之

梁輝中妻莫氏年十九于歸事後姑能體翁志無何翁姑相繼沒越一載而夫亦亡孀守數十年

劉世模妻梁氏二十四夫故遺一孤女熒熒貞守閱三十年而逝

張象瑞聘妻汪氏修本女年十九聞夫訃奔喪家貧藉女紅以奉翁姑喪葬盡禮爲夫擇繼延嗣貞守四十餘年

劉世培妻黃氏十八于歸逾年夫亡無嗣事姑與祖姑生養死葬皆能以禮

武生劉宗渭妻吳氏天和女于歸八載而夫故撫二孤長出嗣夫兄次世標克家成名孀守三十年

庠生劉啟鍾妻梁氏年二十五夫故矢志孀守事姑教子俱

有禮法

庠生劉世木妻張氏二十于歸越五載夫故孝養老姑孀守數十年

王門雙節王成武妻吳氏年二十四夫沒有遺腹子肇錫茹淚撫孤冀其成立甫婚娶而肇卒寡媳吳氏年方十八兩孀鍵閨勵節孤苦相依擇繼延嗣姑守五十餘年媳守四十餘年

陳祖肇妻楊氏庠生坤女年二十一于歸甫一載夫亡楊矢志立嗣夫弟祖昂娶黎氏生子樹德甫三歲而祖昂又卒黎年二十六妯娌孀守同撫樹德以承兩家宗祧一門雙節邑人稱之

區門三節庠生區兆龍妻崔氏年二十七而寡誓不他適孝

事舅姑子俊娶於黎黎年二十一生子際常而俊卒黎號泣
幾絕與崔含淚撫育際常及際常娶於黃又早故三孀共守
飲蕖茹荼崔年八十八黎年七十七而卒黃亦苦守數十年
劉宗汝妻梁氏進士作文女二十七夫故守節二十五年
周興遠聘妻敖氏福女興遠父病迎歸待婚未合而興遠
卒孝事舅姑貞守四十餘年

陳嗣裘妻李氏順德人年十七歸陳生一子嗣裘隨父僑居
陽春旋卒年二十五携子奔喪矢志事舅姑苦守三十餘年
吳滋薰妻譚氏年二十五生子五月而夫卒孝事翁姑孀守
三十餘年

嚴在惠妻謝氏二十八夫卒無子孀守數十年

嚴居華妻麥氏歲貢生稼軒女年二十七夫卒矢志孀居子

魁第登武科

楊榮妻李氏年二十于歸二十六夫卒長子方四齡次子遺腹生撫育二孤不以貧苦渝其志

黃天培妻王氏十七于歸逾年夫故家貧事翁姑撫嗣子苦節三十餘年

閑天德妻謝氏年十九生子彌月而夫亡家貧甚事姑育子苦節四十餘年

藍映琳妻劉氏夫病三載躬親藥餌無倦卒不起氏時年二十四矢志守義再立嗣一殤而天子婦王舉子未週歲而寡氏慰婦媳撫孤孫憂傷彌甚苦節四十餘年

陳學聖妻古氏十八于歸逾二年夫卒奉孀姑撫遺腹苦節數十年

劉蒔蕙妻區氏年二十二夫卒事翁姑喪葬盡禮閨行可稱苦守數十年

陳煜妻張氏年十九夫卒孝事舅姑孀守數十年

程志華妻徐氏幼歸程爲養媳事翁姑如父母及成婚年十八而夫卒無子徐卽於是日自經

陳達邦妻黃氏十八于歸五載夫卒撫遺孤成立孀守數十年

劉蒔宣妻陳氏年二十二夫卒矢志孀守嗣子石基邑庠生劉世堯妻李氏年二十二夫故子甫三歲教養成立苦守三十餘年

劉宗涑妻謝氏涑以力學得疾卒氏上事老姑下撫幼媳咸有禮法子世蓮庠生

庠生劉家爰妻梁氏年十八于歸二十四夫故苦守數十年
黃敷坤妻楊氏生二子年二十八夫卒養姑教子閭閻不踰
子載超廩生

黃其溫妻劉氏年十六于歸二十夫卒事嫡姑所生姑及庶
姑奉養喪葬俱以禮婦守數十年

李若樂妻劉氏年二十子未晬而夫故矢志婦守卒年四十
四子文煥武庠

廩貢生李若材妻謝氏解元仲玩女年二十九夫故妾陳氏
適腹生一子氏撫如已出居恒足不踰閭鄉里罕識面者

黃天詩妻蕭氏二十一年于歸甫四月而夫卒孝事孀姑閨門
清肅苦守數十年

張鳳德聘妻鍾氏元伯女年十三歸養於張越二載未婚而

鳳德殤矢志養舅姑立繼嗣貞守六十餘年

梁文綱妻伍氏肇英女年二十于歸三載夫沒遺一子僅周歲家貧苦守四十年

黃載吉聘妻吳氏昭智女十歲歸黃爲養媳年十四未成婚而夫沒家貧誓不他適奉養舅姑以終其身

監生劉世楊妻黃氏于堂女年十八于歸二十四夫亡遺一女氏孝事老姑以姪士儒爲嗣教養成立孀守五十餘年

廩生劉宗潢妻王氏年二十三夫故遺一子未幾又殤夫弟宗湘止一子世槐乃以槐之子士烜爲嗣苦志教養士烜游於庠

曾敬達妻陳氏二十三歲于歸越二載夫故遺二女矢志孀守擇姪秀琪秀珍八嗣翁姑臥病氏侍湯藥數月不倦卒年

八十有二

蕭作樑聘妻劉氏年十八守節

黃某聘妻吳氏年十四守節

何瀚妻胡氏年二十八夫故事太姑及姑以禮子汝楷受室
尋亡胡與孀媳提携幼孫持家有法鄰族嘉之

生員鄧錦中妾陳氏事錦中惟謹錦中卒氏哭之欲絕自食
砒霜求死家中人稍覺詢之弗肯言旣乃腸爛死年二十五

采訪
冊

右陽春縣

肇慶府志卷十九終

高要周汝珉校字